

大方等無想經卷第一

大

大雲初分大衆度第一

北涼天竺三藏曇無讖譯

如是我聞一時佛在王舍城耆闍崛山中與大比丘僧九万八千大迦葉等而為上首一切皆是大阿羅漢諸漏已盡皆得自在其心調柔如香象王隨順善道心得解脫智慧無尋捨離重擔所作已辦永斷諸有所修禁戒清淨微妙心剎彼岸威德巍巍有大名稱具足成就得八解脫皆於晨朝從禪定起往至佛所頭面禮佛合掌恭敬右遶三匝修敬已畢却坐一面復有比丘尼衆六万五千摩訶波闍波提比丘尼而為上首亦於晨朝從禪定起往至佛所頭面禮足合掌恭敬右遶三匝修敬已畢却坐一面復有菩薩摩訶薩六万八千一切皆是大眷象王其名曰大雲密嚴菩薩摩訶薩大雲得志菩薩摩訶薩大雲寶光菩薩摩訶薩大雲雷震菩薩摩訶薩大雲勤嚴菩薩摩訶薩大雲受樂

菩薩摩訶薩大雲歡喜菩薩摩訶薩大雲性菩薩摩訶薩大雲金剛首菩薩摩訶薩大雲寶首菩薩摩訶薩大雲吼菩薩摩訶薩大雲名稱菩薩摩訶薩大雲願華菩薩摩訶薩大雲施雨菩薩摩訶薩大雲不輕菩薩摩訶薩大雲勤行菩薩摩訶薩大雲師子吼王菩薩摩訶薩大雲滿雨心王菩薩摩訶薩大雲普光菩薩摩訶薩大雲正見菩薩摩訶薩大雲遍雨王菩薩摩訶薩大雲身通王菩薩摩訶薩大雲上妙菩薩摩訶薩大雲自在菩薩摩訶薩大雲大海菩薩摩訶薩大雲一切自在菩薩摩訶薩大雲福田菩薩摩訶薩大雲一切施安菩薩摩訶薩大雲日光菩薩摩訶薩大雲月光菩薩摩訶薩大雲琉璃光菩薩摩訶薩大雲無量寶菩薩摩訶薩大雲常見菩薩摩訶薩大雲我見菩薩摩訶薩大雲淨見菩薩摩訶薩大雲樂見菩薩摩訶薩大雲無尋菩薩摩訶薩大雲常勝菩薩摩訶薩大雲淨光菩薩摩訶薩大雲得稱菩薩摩訶薩

大雲受命菩薩摩訶薩大雲賈主菩薩摩訶薩大雲順師菩薩摩訶薩大雲現道菩薩摩訶薩大雲護子菩薩摩訶薩大雲勝分陀利菩薩摩訶薩大雲火光菩薩摩訶薩大雲波頭摩菩薩摩訶薩大雲優鉢羅香菩薩摩訶薩大雲威德王菩薩摩訶薩大雲動搖菩薩摩訶薩大雲無所畏菩薩摩訶薩大雲多摩羅跋樹葉涼菩薩摩訶薩大雲赤栴檀樹涼菩薩摩訶薩大雲極深菩薩摩訶薩大雲知善阿菩薩摩訶薩大雲都羅延大喜菩薩摩訶薩大雲大牛王菩薩摩訶薩大雲大樹王菩薩摩訶薩大雲大法分陀利敷菩薩摩訶薩大雲執持法光菩薩摩訶薩大雲稱王門菩薩摩訶薩大雲金山有德王菩薩摩訶薩大雲無怖王菩薩摩訶薩大雲大醫王菩薩摩訶薩大雲大身王菩薩摩訶薩大雲虛空王菩薩摩訶薩大雲修跋王菩薩摩訶薩大雲壞雲王菩薩摩訶薩大雲壞風王菩薩摩訶薩大雲壞雨王菩薩摩訶薩大雲俾倪王

大雲經第二卷 第五大

菩薩摩訶薩大雲斷闇王菩薩摩訶薩大雲斷電王菩薩摩訶薩大雲迦葉菩薩摩訶薩如是等菩薩摩訶薩亦於晨朝從禪定起往至佛所頭面作礼合掌恭敬右遶三匝修敬已畢却坐一面

復有五萬八千梨車童子其名曰師子光梨車法德梨車法義梨車釋德梨車釋幢梨車釋幡梨車師子吼梨車寶鈴梨車愛德梨車名貴德梨車金剛鼓梨車佛奴梨車如來奴梨車世尊奴梨車娑伽婆奴梨車正覺奴梨車世尊月奴梨車大手梨車大精進梨車恒河得梨車文殊師利梨車彌勒梨車大龍梨車龍護梨車法護梨車廣稱梨車虛空雲梨車恒河護梨車金華梨車電光梨車大廣面梨車性廣梨車淨光梨車自在得梨車自在在地梨車地毘梨車方等奴梨車金剛奴梨車如是等梨車一切皆發阿耨多羅三藐三菩提心守護大乘受樂大乘其教化念向大乘亦於晨朝從禪定起往至佛所頭面作

大雲經第二卷 第五大

礼合掌恭敬右遶三匝修敬畢已却坐一面復有四萬四千元王其名曰愛見天王一切愛天王月鼓天王日色天王長耳天王青色天王精進天王深目天王大黑天王遠慧天王虛空目天王愛德天王愛顯天王愛釋光天王愛面光天王一切喜念天王琉璃光天王光愛天王半月天王大聲微妙天王勇健煩惱天王一切愛天王童子愛天王勇健羅華天王無常天王屬昇星天王如是等諸大天王愛樂大乘廣說大乘護持大乘受持一切三昧持惠施衆生安樂之事亦於晨朝從禪定起往至佛所頭面礼足合掌恭敬右遶三匝修敬已畢却坐一面復有三萬八千龍王其名曰蓮華龍王德叉迦龍王迦迦羅龍王怒修吉龍王愛德勝龍王大地龍王牙利龍王淨目龍王師子龍王聖聲龍王鼓聲龍王金元龍王金色龍王黑驢龍王持大雨龍王大海龍王跋羅婆龍王梵龍王願受龍王伊羅鉢龍王陀毗羅龍王恒河龍王辛

大雲經第二卷 第五大

頭龍王憍叉龍王和陀龍王有德龍王阿耨達龍王鉢曇那龍王人龍王非人龍王人頭龍王吉龍王熱律龍王毗舍羅龍王登龍王黃色龍王難陀龍王優波難陀龍王毘樓勒叉龍王提頭賴吒龍王毗樓博叉龍王毗沙門龍王半閼羅龍王摩都斯龍王如是等龍王樂欲聽受大乘經典既得聞已欲為一切廣宣分別欲持正法守護正法為護法故堅持禁戒荷法重擔亦於晨朝從禪定起往至佛所頭面作礼合掌恭敬右遶三匝修敬已畢却坐一面

復有三萬六千夜叉神王其名曰毗沙門鬼王虛空鬼王愛德鬼王畢施鬼王大理塔莊嚴鬼王一向觀鬼王動大地鬼王善毛鬼王善愛家鬼王摩尼跋陀鬼王滿城鬼王蓮花光鬼王車輪臺鬼王大海勝鬼王如是等夜叉鬼王隨順阿闍如來道行為護正法受持禁戒亦於晨朝從禪定起往至佛所頭面作礼合掌恭敬右遶三匝修敬畢已却坐一面

復有四萬九千金翅鳥王其名曰力
等香象金翅鳥王堅固金翅鳥王鼓
聲金翅鳥王壞一切龍王力金翅鳥
王火光金翅鳥王斑翅金翅鳥王輪
面金翅鳥王惡性金翅鳥王壞和修
吉龍王眷屬金翅鳥王壞和修吉眷
屬大喜金翅鳥王實見金翅鳥王喜
說大慈金翅鳥王法喜金翅鳥王金
翅愛金翅鳥王如是等金翅鳥王一
切無有憍慢放逸皆得愛護大乘之
心守護一切諸佛正法亦於晨朝從
禪定起往至佛所頭面作礼合掌恭
敬右邊三匝修敬已畢却坐一面
復有六萬八千乳闍婆王其名曰喜
乳闍婆王自在歌乳闍婆王現在愛
乳闍婆王牛王得乳闍婆王雲覆乳
闍婆王命乳闍婆王名名聲乳闍
婆王如是等乳闍婆王亦於晨朝從
禪定起往至佛所頭面作礼合掌恭
敬右邊三匝修敬已畢却坐一面
復有九萬八千緊鄰羅王其名曰善
見緊鄰羅王長鼻緊鄰羅王引心緊
鄰羅王妻愛緊鄰羅王壞煩惱緊鄰

羅王壞怨緊鄰羅王魔王女愛緊鄰
羅王壞魔眷屬緊鄰羅王善藏緊鄰
羅王深目緊鄰羅王淨貴德緊鄰羅
王調振緊鄰羅王遠見緊鄰羅王如
是等緊鄰羅王亦於晨朝從禪定起
往至佛所頭面作礼合掌恭敬右邊
三匝修敬已畢却坐一面
復有一萬八千羅刹王其名曰煮灰
羅刹王水牛頭羅刹王黃髮羅刹王
老齒羅刹王獨體羅刹王貪蜜羅
刹王蜜色羅刹王大口羅刹王大力
羅刹王以髮覆身羅刹王大力羅刹
王可畏色羅刹王如是等羅刹王一
切皆斷羅刹之想統以大乘調伏其
心亦於晨朝從禪定起往至佛所頭
面作礼合掌恭敬右邊三匝修敬已
畢却坐一面
復有三萬八千陀鄰婆王其名曰
象面陀鄰婆王牙陀鄰婆王支足陀
鄰婆王驢聲陀鄰婆王華耳陀鄰婆
王寶耳陀鄰婆王梵得陀鄰婆王狸
得陀鄰婆王梵狼疑陀鄰婆王梵狼
面陀鄰婆王月面陀鄰婆王如是等

陀鄰婆王亦於晨朝從禪定起往至
佛所頭面作礼合掌恭敬右邊三匝
修敬已畢却坐一面
復有七萬八千鳩脰茶王其名曰象
耳鳩脰茶王箕耳鳩脰茶王大肥鳩
脰茶王如是等鳩脰茶王皆已捨離
鳩脰茶想亦於晨朝從禪定起往至
佛所頭面作礼合掌恭敬右邊三匝
修敬已畢却坐一面
復有三萬八千餓鬼王其名曰電光
明王大施王一切羨王箭王大海濤
波王如是等王悲皆受樂大乘經典
護持正法常為衆生廣宣分別渴仰
大乘飢虛大乘貪慕大乘統以大乘
以自莊嚴常發捨願得戒得慧亦於
晨朝從禪定起往至佛所頭面作礼
合掌恭敬右邊三匝修敬已畢却坐
一面
復有八萬八千阿脩羅王其名曰毗
摩質多阿脩羅王富婁那阿脩羅王
念國阿脩羅王淨恒河毗細阿脩羅
王利安阿脩羅王象咽阿脩羅王三
角山阿脩羅王灰跋阿脩羅王大惡

性阿修羅王火光阿修羅王如是等

大雲經卷第三

阿修羅王皆悉捨離阿修羅相其心

調伏永離憍慢無有放逸亦於晨朝

從禪定起往至佛所頭面作礼合掌

恭敬右遠三匝修敬已畢却坐一面

復有六萬五千大神呪王其名曰寶

持王無盡意王無盡財王無尋王不

對王如是等大神呪王受重大乘樂

說大乘擁護大乘渴仰大乘貪慕大

乘得大乘定具平等行常欲除斷所

有疑心為護正法受持淨戒亦於晨

朝從禪定起往至佛所頭面作礼合

掌恭敬右遠三匝修敬已畢却坐一面

復有九萬九千五百通仙人其名曰

羅他仙人銳浮羅仙人跋訖迦仙人

善奴仙人竭伽仙人太白仙人禁感

仙人鹿角仙人鹿目仙人離慢仙人

婆私吒仙人歡喜仙人五陰仙人初

初仙人大雲色衣仙人天衣仙人情

尸迦仙人頗羅墮仙人龍臂仙人有

德得仙人斷向仙人施一切命仙人

如是等五通仙人亦於是晨朝從禪定

起往至佛所頭面作礼合掌恭敬右

遠三匝修敬已畢却坐一面

大雲經卷第三

復有天王釋與無量無數三十三天

亦於晨朝從禪定起往至佛所頭面

作礼合掌恭敬右遠三匝修敬已畢

却坐一面

復有四天王亦於晨朝從禪定起往

至佛所頭面作礼合掌恭敬右遠三

匝修敬已畢却坐一面

復有舍衛國主波斯匿王與諸小王

莊嚴四兵是諸王等受重大乘樂說

大乘渴仰大乘為護正法受持淨戒

亦於晨朝從禪定起往至佛所頭面

作礼合掌恭敬右遠三匝修敬已畢

却坐一面

復有五萬三千諸大長者須達多等

志受五戒皆發阿耨多羅三藐三菩

提心受重大大乘渴仰大乘貪慕大

乘為護大乘受持淨戒為眾主故隨順

菩提亦於晨朝從禪定起往至佛所

頭面作礼合掌恭敬右遠三匝修敬

已畢却坐一面

復有瞻婆國主名曰月護與諸小王

受持五戒一切皆發阿耨多羅三藐

三菩提心亦於晨朝從禪定起往至

大雲經卷第三

其

佛所頭面作礼合掌恭敬右遠三匝

修敬已畢却坐一面

復有十六大國焉加陀國摩伽陀國

尸國拘薩羅國跋耆國摩羅國分陀

國須摩國阿摩國阿睺提國拘留國

半時羅國跋耆國首羅先都國夜勝

都國劍滿闍國如是十六諸大國土

其中所有一切眾生皆發阿耨多羅

三藐三菩提心亦於晨朝從禪定起

往至佛所頭面作礼合掌恭敬右遠

三匝修敬已畢却坐一面

復有末利夫人與一萬六千諸夫人

等亦於晨朝從禪定起往至佛所頭

面作礼合掌恭敬右遠三匝修敬已

畢却坐一面

復有一萬八千優婆塞毗舍佉等一

切皆發阿耨多羅三藐三菩提心愛

樂大乘渴仰大乘為護正法受持淨

戒為欲集助無上道法修菩提道一

切皆得不退轉心為度眾生現受女

身常樂宣說大乘經典亦於晨朝從

禪定起往至佛所頭面作礼合掌恭

大雲經第一卷 第三十四
敬右遶三匝修敬已畢却坐一面

復有自在天子與無量天衆現大神變放五色光所持諸華如須弥等所謂優鉢羅波頭摩拘勿頭分陀利香華大香華微妙華大微妙華愛見華大愛見華時華常華芬陀羅華摩訶芬陀羅華及持諸香所謂栴檀香花香觀迦香及諸伎樂復持諸華大如車輪亦於晨朝從禪定起往至佛所頭面作礼合掌恭敬右遶三匝修敬已畢却坐一面

復有梵天釋提梵等無量梵俱放五色光其光能壞耆闍崛山所有衆生貪欲黑闇持種種香雜華伎樂來至佛所王舍大城耆闍崛山迦蘭陀竹林其地縱廣足一由旬天衣遍覆間無空處所謂憍尸迦衣迦陵伽衣葛摩衣拘訶婆衣復敷七寶師子之座座高百萬八千由旬設此供已右遶如來滿三十匝脫身寶衣以覆佛上發如是言唯願世尊為衆生故當雨法雨時虛空中復出大聲世尊一切衆生雖得聽聞常樂我淨而不能解

大雲經第一卷 第三十五
唯願如來敷演解說復有無量羯王師子轉王等持諸種種華香供具以用供養寶師子座復有無量孔雀王善目孔雀王等持諸香華微妙伎樂以供養佛復有無量拘提羅鳥王善行王等亦於晨朝從禪定起往至佛所頭面作礼合掌恭敬右遶三匝修敬已畢却坐一面

復有雪山迦蘭陀鳥王蓮華王等持諸香華亦於晨朝從禪定起往至佛所頭面作礼合掌恭敬右遶三匝修敬已畢却坐一面

復有無量命命鳥王無尋王等亦於晨朝從禪定起往至佛所頭面作礼合掌恭敬右遶三匝修敬已畢却坐一面
復有無量山王須弥山王而為上首亦於晨朝從禪定起往至佛所頭面作礼合掌恭敬右遶三匝修敬已畢却坐一面
復有香山諸藥草三忍辱王等亦於晨朝從禪定起往至佛所頭面作礼合掌恭敬右遶三匝修敬已畢却坐

大雲經第一卷 第三十六
一面

今時所有一切樹木常出華果一切伎樂無振觸者自然演出微妙音聲時雪山中所有師子諸惡獸等慈心相視如母如子復有一切毒蟲毒重皆得慈心亦如一子諸惡鳥等亦復如是復有四種毒蛇所謂視毒靈毒過毒觸毒亦得慈心及十六種諸惡律儀亦復如是諸惡衆生悉受五戒今時一切大衆悉共受持清淨戒行樂欲聽受大乘經典恭敬大乘擁護大乘可責誹謗大乘經者見有受持恭敬供養

今時大雲密藏菩薩摩訶薩即從座起偏袒右肩為佛作礼長跪合掌白佛言世尊此諸大衆咸有疑心我今欲問唯願聽許佛言善哉善哉善哉善哉我今能破此衆疑心恣汝所問大雲密藏菩薩言世尊善薩摩訶薩云何修行得陀羅尼云何能得大海三昧云何能解諸佛實語云何得知具足法味云何得見微密之藏云何得入安隱之處亦得親見如來常住云

大藏經第一卷 第十八卷 大

何能得如來寶藏永斷衆生貧窮困苦云何能解諸佛如來甚深之義云何能到諸佛如來大海彼岸云何菩薩得入諸佛如來境界云何菩薩護持諸佛所有幻法云何菩薩得如來法得已能說云何能知一切法界云何得佛日身月身曇星之身云何得盡如來邊際云何能得諸佛淨業云何遠得如來所行云何得佛甚深淨池云何得佛分陀利華云何得佛自在之力云何能得諸佛財貨云何能見如來寶相云何見佛常住不變云何能得如來金色云何菩薩得佛法王云何能得金剛法身云何得佛常身常聲云何菩薩得到如來所安之處而無妄想云何見於諸佛如來常樂我淨而非惡見云何如來真實生身真實法身云何如來金剛之身破壞難身云何見壞身而名為真見云何如來身不名為血肉筋骨所成立若有如是身云何為空見如來說法時云何有所獲云何說法時俱聞無所獲法若無所有云何復得說如來

大藏經第一卷 第十七卷 大

真實常云何入於涅槃若不入涅槃云何名實語戒若無淨穢云何讚持戒者佛法若無滅云何說法滅復言法滅時多有毀禁者如來佛性淨上淨畢竟淨其性如是者云何樂生死云何諸菩薩常說生死樂云何諸菩薩樂見如來性云何煩惱常云何受煩惱云何復得入一切煩惱門云何能得修一切佛土業云何得善知煩惱之根本云何諸菩薩善能得除滅於佛所起疑常樂我淨心若無疑心者云何畏生死若畏於生死云何復樂著云何得佛道云何轉法輪云何度衆生知不斷佛性云何治魔衆使離魔境界云何度衆生生死大苦海云何說生死導生死道云何得生死無量之大海云何求生死渴仰生死道云何貪生死性惜不放捨云何開生死猶如分陀利云何煩惱結猶如四大海云何諸煩惱常起如發願云何而得地獄之心云何常求地獄之心云何修集地獄戒禁云何滋息地獄業行地獄之身刀劍弓箭鋒鏑輪

大藏經第一卷 第十八卷 大

火云何能破壞衆生地獄果云何為地獄衆生作安樂云何注大雨能滅地獄火云何處地獄而不受其報云何為地獄而作引導師云何為地獄而作大良藥云何而能得開塞地獄道云何作慧燈壞於生死闇云何在生死煩惱毒不汙難住無所住而不同空住能消諸煩惱猶如日照雪見於如來常樂我淨其心安住如須弥山不動不轉如帝釋幢如來實不畢竟涅槃亦說如來入於涅槃其心不壞猶如金剛云何得慚愧云何得好身云何復能得衆所愛敬身云何得不貪云何得不瞋云何能得微妙光明云何得正性云何得自在云何能得大衆眷屬云何能得不壞眷屬不退不失不貪飲食常覺知足終不貪肉於諸衆生常生愛心常為世間之所恭敬得名一切大施之主得名大力得名健行大慈大悲大捨大喜大慧持持隨順世間為安世間為樂世間云何而得世間無上世間無勝世間無邊常行正語實行梵行行大悲

行喜行聖行見空法界隨順而說見
不空界說亦如是說佛法相見佛真
法得淨自在持戒之財德財法財不
食之財為貪衆生得財嚴身為諸衆
生得三種定空無相願欲生淨土得
隨願身雖為衆生受此陰身不於衆
生求其恩報讚嘆持戒呵破戒者不
為群邪之所沮壞雖讀外典不隨其
義其所說法句義不斷雖名沙門及
婆羅門終不生於沙門之想婆羅門
想難復曉了算數呪術心初未曾有
貪著想難為衆生亦入天寺供養恭
敬依止禮拜而其內心常依法界現
行十惠實是梵行諸佛護念如視一
子善能護持諸佛法身能轉一切諸
佛法輪深見諸佛甚深法界及真實
相其所修行等諸佛行得無量身及
無量行善解諸佛所有諸密除去憍
慢猶如諸佛善說法界深密之義雖
說憍慢無憍慢想亦不教他生於憍
慢心無貪意愚癡怖畏猶如諸佛其
行無量微密無量諸法無量樂說無
量性相無量真實無量見真見實見

性見法為諸衆生新煩惱故而演說
法常得知見諸佛世尊永度煩惱諸
結大海為度衆生故說度煩惱諸結
海法自得度已度未度者自得脫已
脫未脫者自得安已安未安者未涅
騁者令得涅騁自見法界了了真實
或為衆生說實不實於無量劫已持
四魔為衆生故現度道樹方降魔衆
內實知見久破諸魔為衆生故唱言
今壞以善方便轉於法輪以善方便
現入涅騁云何能得諸佛神通云何
得佛如來法王云何得佛微密法藏
云何得佛不可思議云何能得諸佛
無量無稱無數無勝無邊云何能施
一切衆生甘露法味

今時世尊告大雲密藏菩薩言善哉
善哉善男子汝今所問甚為快善為
欲安樂世間衆生故發斯問一切衆
生無明所盲而不能知諸佛所有真
實功德善男子汝今欲令一切衆生
悉得智慧眼常眼常光永度生死煩
惱大河了知諸佛菩提之行欲壞衆
生無明結轂亦導無上菩提之行一

切衆生常樂演說無常無我無樂無
淨而今欲開常樂我淨如來畢竟入
於涅騁無常無我無樂無淨而今欲
開諸佛世尊不畢竟滅常住不變善
男子一切衆生常於法界妄生分別
而法界性實無分別汝今欲問無分
別義是故發問善男子一切衆生常
為邪毒之所塗染如來世尊為大良
醫汝意欲令如來醫王說呪授藥療
其所苦善男子如迦羅迦梵志及尼
軋子諸婆羅門實非羅漢作羅漢想
非聖聖想非天天想實非常樂我淨
之法而作常樂我淨之想汝今欲為
如是衆生拔邪毒箭解邪縛破邪獄
出邪網施法味食甘露安寢四禪塗
淨戒香四等為華慚愧為衣故發此
問善男子一切衆生不知知相不知
別相相無相非相非無相非相相非
無相相不可知非不可知非此非彼非
手非指非此彼中非作非不作非示
非不示非因非不因非瞬非不瞬非
知非智知非識非識識非住非不住
非聞非明非相非名非輕非重非高

大雲經第二卷 第三十二段 大

非力非處非不處非淨非不淨非有
為非無為非有非無非可說非不可
說非取非捨不生不返非實非虛非
正非邪非畢竟非不畢竟非福田非
不福田非時非不時非可淨非不可
淨非作非能作非生非滅非冷非熱
非陰入界非結因非業因非生非墮
非長非增長非有墮落畢竟無墮非
是有法永斷諸有非過去非未來非
現在非實非不實非性非不性非色
非受想行識非盡非不盡亦不可盡
非等非無等亦無與等非地水火風
一切法界實無有身實相之相畢竟
真實是名如來無量無邊不可思議
諸大功德之所成就如是身者即是
諸佛真法身也其義甚深不可思議
如來法界深遠幽遠不移本處宣說
正法十方諸佛皆得聞知所以者何
如來自在神力行故如是深語聲聞
緣覺所不得聞善男子諸佛何故不
為彼說今彼得聞善男子聲聞緣覺
乃至不解一字之義猶如生盲飲毒
狂人如墮處重如被毒箭如病瘵飲

大雲經第二卷 第三十三段 大

是故諸佛不為說之善男子一切眾
生常為諸結煩惱所病諸佛如來能
施法藥以妙呪術拔其毒箭除其膏
醫眾生意實不知如來常住不變如
來為然智慧法燈急令得見常樂我
淨譬如日出急令眾生普見大地高
下等相如來亦令一切眾生不知方
等亦不能得持三昧不知佛時不
知佛財不見佛身不解如來涅槃之
相不知佛法滅與不滅而言如來無
常無樂無我無淨有煩惱箭是難毒
食是故我為如是等人演說諸佛常
樂我淨欲除此人無明黑闇善男子
善哉善哉聲聞緣覺未曾得聞是一
字義汝今欲令彼得聞故發是問諦
聽諦聽善思念之吾今為汝分別解
說有大方等甘露經王開大寶藏
給貧窮發諸佛功德之藏一切眾
生皆有佛性其性無盡昔來隱蔽今
欲顯示諸佛如來然大慈燈今諸眾
生了了明見善男子吾將欲說汝便
發問則汝昔來所發指顧大雲密藏
菩薩摩訶薩言世尊我從昔來實無

大雲經第二卷 第三十四段 大

此願乃是世尊大慈愍事神通力故
為度眾生今我發問欲破眾生貧窮
困苦令諸眾生意無盡故如來今說
則能消滅一切眾生無明大闇得智
慧寶令諸眾生命見佛性得見如來
常樂我淨佛言善哉善哉善男子汝
今所問其義甚深為度眾生生死海
故為廣流布方等經故為常法故惠
施一切甘露法味除斷眾生貧窮苦
故諦聽諦聽吾當為汝分別解說今
諸眾生得安樂故汝今當為一切眾
生善持是義善男子一切如來應供
正遍知明行足善逝世間解無上士
調御丈夫天人師佛世尊等有一法
名曰法界以此法界諸佛世尊等有
常慧以常慧水淨自洗浴服甘露味
并以惠施一切眾生修集一切諸佛
所行汝今當服是甘露味汝既服已
復當轉施我今當說汝便善聽初語
亦善中語亦善後語亦善其義真實
言辭巧妙其音清淨純一無雜具足
清白梵行之相
大方等無想經卷第一

癸卯歲高麗國大咸都監奉
勅彫造

大方等無想經卷第二

北凉天竺三藏曇無讖譯

六

大雲初分大衆健度餘

善男子有大雲經持持大海三昧大海如來法印諸佛法城法界甚深常住不變不可思議常樂我淨善男子若有受持書寫讀誦解說之者則能破壞衆生煩惱斷除一切貧窮困苦若遭飢荒穀米勇貴讀誦是經則得豐饒若時焰旱天則降雨若有飢虛渴仰法食讀誦是經則得持持甘露法味若欲具足大神通者當受是經欲雨法雨潤漬枯槁當讀是經若遭大病亦當受持所以者何此經即是一切大病之良藥也此經能斷一切諸毒大陀羅尼是大三昧此經即是塗末燒香微妙淨華善男子汝今當然大智慧燈破諸衆生狂愚黑闇而諸衆生常言如來無常無我無樂無淨是磨滅法如是衆生即是飲毒被大毒蛇啗飲發動狂醉失心無明所覆聲聞緣覺如羸老牛是故汝當廣

宣分別如來功德以實相油潤益慧燈開發慧眼除無明闇若言如來真實出生輪頭檀舍出家學道修集苦行壞魔兵衆坐於道場成菩提道當知是人即是誘佛軍當斷首指出其舌不應出此虛妄之言何以故非是善解諸佛如來秘密語故若經中言沙門瞿曇當知是語即是密語善男子為衆生故示現神足當知即是佛之真子善男子汝則已為得人果報授與聲聞辟支佛等吐藥下藥藥眼藥治諸病藥何等是藥所謂大乘方等經典當知是經即是諸經轉輪聖王何以故是經典中宣說衆生實性佛性常住法藏衆生不解乃至一句一字汝今當聽聽已即當為汝法藏汝復當觀是經境界善男子此經中有諸佛菩薩四百不可思議解脫法門善男子此經中有諸法寶藏神通王三昧門善男子此經典中有諸菩薩三十六不退智慧寶藏陀羅尼門善男子此經復有諸佛菩薩三十三種入衆生音大行方便解脫法門善

◇高麗大藏經◇

大雲經第二卷 第三張 七

另子此經復有諸佛菩薩十種神足
入密行藏大行光王法門此經復有
諸佛菩薩十種生死行業道地得心定
解脫慧願藏法門此經復有諸佛菩薩
十智不滅入思惟神通王法門此經
復有諸佛菩薩十種不生思惟法藏
得入神足王法門此經復有諸佛菩
薩甚深十智入無畏行法王法門此
經復有諸佛菩薩十種大雲見法不
可思議功德藏法門此經復有諸佛
菩薩入十種衆生語言修大行法
方便不斷解脫法門此經復有諸佛
菩薩十種神通所入生行有行行藏
光王法門此經復有諸佛菩薩十種
生死煩惱業行心住三昧解脫指願
法藏法門此經復有諸佛菩薩十種
智住不可思議所入神足王法門此
經復有諸佛菩薩十種不生不可思
議通達密藏神足王法門此經復有
諸佛菩薩十智甚深入精進行法門
此經復有諸佛菩薩十智大雲衆法
和合神足王法門此經復有諸佛菩
薩大雲光明眼目法門此經復有諸

大雲經第二卷 第四張 八

佛菩薩十種大雲電光具足入行法
門此經復有諸佛菩薩通暢大雲大
衆經法門此經復有諸佛菩薩神足
變現燈明法門此經復有諸佛菩薩
十種法電說神足王所入法門此經
復有諸佛菩薩十金剛智入藏法門
此經復有諸佛菩薩十種正行性入
法門此經復有諸佛菩薩十無盡行
神通王所入法門此經復有諸佛菩
薩十種甚深微塵業行所入法門此
經復有諸佛菩薩十種師子吼所入法
門此經復有諸佛菩薩十生和合行
入世間業俟心法門此經復有諸佛
菩薩十神通實所入法門此經復有
諸佛菩薩十金翅鳥神通所入法門
此經復有諸佛菩薩十大施時微妙
法門此經復有諸佛菩薩十無所
畏大力神通所入法門此經復有諸
佛菩薩十大海行所入法門此經復
有諸佛菩薩十種至心所入法門此
經復有諸佛菩薩十勇猛王大力微
妙法門此經復有諸佛菩薩十種等
行入神通王所入法門此經復有諸

大雲經第三卷 第五張 九

佛菩薩十二神通藏得開示法門此
經復有諸佛菩薩十智寶藏法門此經
復有諸佛菩薩十智境界行所入法
門此經復有諸佛菩薩十正智微妙
寶藏法門此經復有諸佛菩薩十種福
田種子法門此經復有諸佛菩薩十種
真實神通安樂之王所入法門善男
子汝觀是經不可思議功德境界亦
不可思議乃是諸佛菩薩不可思議
不可量法藏亦是衆生不可思議無
盡寶藏復次善男子此經境界不可
思議善男子此經復有諸佛菩薩臨
羅尼藏法門此經復有諸佛菩薩如
來微密寶藏法門此經復有諸佛菩
薩如來大海法門此經復有諸佛菩
薩如來時藏法門此經復有諸佛菩
薩如來世藏法門此經復有諸佛菩
薩如來日藏法門此經復有諸佛菩
薩如來月藏法門此經復有諸佛菩
薩如來境界法門此經復有諸佛菩
薩深法門此經復有諸佛菩薩如來
所畏法門此經復有諸佛菩薩如來
勇捷法門此經復有諸佛菩薩如來

地法門此經復有諸佛菩薩如來法門此經復有諸佛菩薩阿梨呵法門此經復有諸佛菩薩如來聚法門善男子汝觀此經大法陀羅尼即是一切衆生無盡福藏是即諸佛不可思議解脫三昧陀羅尼門非是汝等所知境界諸佛世尊隨世故說其義甚深難可消服唯是如來之所知見我今當說如來如是甚深境界至心諦聽汝從昔來於是事中乃至未聞一字一句大雲密藏菩薩摩訶薩言實如聖教世尊我猶宣蟻常為一切無明所闇唯願如來開慈愍心廣及衆生宣說一句乃至一字如來法王不可思議世尊聲聞緣覺猶如老牛盲爾瘡痂如嬰孩兒我亦如是從昔已來實未曾聞如是一句乃至一字唯願如來廣開大慈為衆生故諸佛如來所有境界不可思議常住無變通達諸法惟願如來為我等故及諸衆生開闢如是秘密之藏乃至一字一句之義令我等輩及諸衆生知見如來常恒不變佛言善哉善哉善男子

○大方等無想經

汝今已為善解諸佛所有密語善男子是方等經不可思議汝所發願亦不可思議諸佛如來陀羅尼法不可思議此經境界亦不可思議甚深智光不可思議善男子如汝所言我於是經不能解了猶如老牛盲爾瘡痂嬰孩小兒善男子汝今不應生此憂懼疑慮之心善男子若行若住若坐若卧常應繫念如是經典若遇水火盜賊諸難亦應堅持慎勿放捨所以者何是經典中有五文字其義甚深一者如來二字二樂二字三我五字是名如來無上功德不可思議復次善男子假使恒河沙等十方世界滿中大火有人在中念是經者火不能燒常應供養尊重三寶勿令其心中有忘失汝今所有微妙功德已為諸佛之所讚歎所謂能聞所未曾聞一句一字甚深之義汝等不久亦復當得知見是義汝若欲知諸佛如來常恒不變應當受持如是經典讀誦書寫解說其義何以故是經所說不可思議如來常恒無有變易終不畢竟入於

涅槃汝當廣為一切衆生敷揚解說常樂我淨諸佛如來無有畢竟入涅槃者法僧常住亦無滅盡今時毗藍大毗藍風王所受樂報如天無別放清涼風六時無變華果常有無時暫替貴持供具來至佛所頭面作禮合掌恭敬右邊三匝却坐一匝今時世尊神通力故起四黑雲甘水俱遍興三種雷謂下中上發甘露聲如天伎樂一切衆生之所樂聞今時世尊即說呪曰
竭帝波利竭帝僧竭帝波羅竭帝
波羅卑羅延垣 三波羅卑羅延垣
婆羅婆羅波沙羅波婆羅 摩文闍
摩文闍遮羅帝遮羅垣波遮羅垣波
遮羅垣 三波羅遮羅垣比提喜利嚩梨
薩鉢醯 薩鉢醯 富盧富盧莎可
若有諸龍聞是神呪不降甘雨頭破
七分今時十萬億那由他阿僧祇等
諸佛世界六種震動今時衆生因是
地動各各相見展轉相動乃至淨居
淨居動已龍雲俱動龍雲動時降澍
大雨而時閻浮提所有九萬八千大河

大雲經卷第一 第十大

七寶盈滿一切泉池具上藥味雨降
七日無所傷損衆生使樂如服甘露
諸河盈滿八功德水所謂美冷輕軟
清淨香潔飲時調適飲已無患一切
水生出微妙聲時王舍城耆闍崛山
七寶遍地無空故處虛空復雨七寶
所成優鉢羅華波頭摩華拘勿頭華
分陀利華水性之屬悉發阿耨多羅
三藐三菩提心畜生衆生貪樂大乘
渴仰大乘慈心相向猶如一子皆共
同心供養於佛今時大衆天龍夜叉
乾闥婆阿修羅迦樓羅緊那羅摩睺
羅伽持諸供具華香伎樂供養於佛
時虛空中復雨種種香華寶衣伎樂
幡蓋供養於佛善男子此經乃是無
量功德之所成就就是故能致如是瑞
應今時大衆作如是言世尊我今始
知諸佛如來常樂我淨惟願如來慈
哀矜愍愛我所厭優多羅僧即嘆曰
如來真常無量德所成我今為常樂
是故稽首禮諸佛捨無常故得無邊身
無上天中天大力難思議如來常無變
動遠離邊身為衆雨法雨猶如大雲王

大雲經卷第一 第十大

佛自得安樂為衆說安樂自獲諸功德
誨彼令同已如來慧無勝常住如虛空
為衆作福田常行於聖行憐愍諸衆生
亦知其行業開示秘密藏清涼如初月
今宣大雲經端嚴如滿月定知無量衆
發起善提心世尊号法王於法得自在
是故名真我成就無上樂如來昇寶座
而作師子吼宣說諸衆生一切有佛性
譬如香山中常生忍辱草
如來神力故普令一切衆見此驚頭山
悉是七寶成今時大衆會觀已甚愛樂
猶如四天王樂住須彌山如來大福田
其力不可量能除衆生結煩惱諸障
一切諸衆生不退菩提心猶如諸世尊
安樂不傾動衆生斷惡業成就妙善戒
修行善提行決定見佛性若得聞此經
乃至一字義即得菩提道隨順行梵行
惟願無上尊演說於一句普使一切衆
咸得解其義我等諸衆生能根無智慧
如來憐愍故願開令得解一切諸衆生
虛乏於法食惟願大慈哀施之令滿足
我等得受已復當轉施他亦令一切衆
皆悉得充足一切諸衆生貧窮無福德

大雲經卷第一 第十大

無常無有我亦無歸依處如來所成就
無上大功德惟願大慈尊施我及一切
如來為法主如海衆流尊衆生不知依
我今得依止為衆作依止猶如慈父母
施衆甘露味普使新煩惱
世尊如來正覺不可思議憐愍衆生
亦不可思議所說秘密難可面度諸
佛世尊三昧之王大船師王不可稱
計不可數量如是境界非諸聲聞緣
覺所知如來月王常無增減是諸功
德之大猛將無量福報珍寶之聚是
大光明無上日王等視衆生同羣睺
羅所成大力以施一切自無所畏復
今衆生成無所畏自破無明復除衆
生無明重闇世尊我亦無知無明所
障不知如來常樂我淨一切衆生無
明覆故妄說如來無常無我無樂無
淨是故流轉三惡道中若言如來永
滅涅槃當知是人必墮地獄世尊我
今始知諸佛如來不畢竟滅知已則
得無上大寶以佛力故復令我知諸
佛實性得服無上甘露法味永斷一
切諸結煩惱昔來所有狂瞽瘡痂今

志除念

大雲經卷第二 第十大

大雲初分三昧健度第二

今時大雲密藏菩薩摩訶薩言甚奇世尊如來正覺不可思議今說此經今無量衆生發阿耨多羅三藐三菩提心是經境界不可思議乃為一切無量衆生現大神通雨諸寶味衆生聞者得遇無上甘露法雨是故如來不可思議是經境界亦不可思議一切衆生成大功德乃得值遇衆生業報不可思議世尊今日衆生所受快樂如第三摩形貌瓊瑤如天無別如來今日說此經藏即是衆生無盡之藏降大法雨所謂如來常住不變三昧持所言雲者謂諸菩薩摩訶薩也震大雷者謂破煩惱諸結業等電光明者謂諸衆生皆有佛性聲者謂諸菩薩為衆生故說有為法無常無樂無我無淨電者謂八聖道分能壞一切諸結煩惱又有電者所謂此經能壞聲聞辟支佛心是即名為雨大法雨充飽衆生飢虛渴乏所謂如來常住不變是名甘露佛言善哉善哉善男

○大方等無想經

大雲經卷第二 第十大

子汝今善解如是法雨善男子若諸菩薩欲雨法雨潤益一切當受是經修行讀誦書寫供養解說其義善男子諦聽諦聽如是經典不可思議中有解脫住入寶藏神足法王四百三昧我今當說善男子此經復有諸佛菩薩深猛大海眼目三昧若有菩薩成就具足是三昧者得具菩薩多聞大海多聞寶藏於阿耨多羅三藐三菩提心無疑導言無導者所謂身得無導遍生諸佛淨妙世界又無導者得宿命智為諸衆生轉於五有又無導者不貪著業而得果報又無導者若一見佛心生歡喜則於後世得端嚴身衆所受身無貪身無惡身大身上族身大富身眷屬不壞身不破壞身不退身不減身所修行願念喜作業志向阿耨多羅三藐三菩提成就慚愧破諸憍慢勤修精進慈悲喜捨空無相願以薰其心又無導者願生他土即得往生諸邪異見所不能壞其所樂說句義無盡若天若魔梵沙門婆羅門不能惑亂令其心動雖讀

大雲經卷第二 第十大

外典心無貪著不貪天龍夜叉等身軀閻婆阿修羅迦樓羅緊那羅摩睺羅伽身又不貪著房舍卧具衣服飲食天魔波旬不得其便所行善法終不中忘凡所言說人所敬受其心弘曠猶如大海所有智慧亦復如是具足圓滿猶如盛月能壞黑闇如日如燈不可捉持如虛空性不著世間如華嚴水於一切有心無貪著能壞法界猶如金剛持諸法界如須弥山其性清淨如琉璃寶得如來戒慧念明性力幻化不動不住善男子是經復有第一甚深解脫寶幢三昧若有菩薩具是三昧則得名為多聞大海多聞寶藏心無疑導乃至幻化不動不住善男子此經復有淨智甚深法門三昧若有菩薩能具足者則得名為多聞大海多聞寶藏心無疑導乃至幻化不動不住善男子此經復有佛報香象王解脫三昧首楞嚴三昧勇力三昧勇勝三昧健勇三昧好香三昧正光三昧無我光三昧甚深行藏三昧行深解脫三昧行力解脫三昧一

第一九冊

四一五

大藏經卷第十卷大

切法行三昧恒河沙等行三昧一切
解脫三昧一切三昧王三昧正上三
昧大海潮三昧本解脫三昧壞魔億
眾三昧住戒電光三昧火光三昧無
盡意王三昧雲畫意三昧海王神足
三昧大高意三昧種子三昧住大海
三昧無尋三昧無尋戒三昧高解脫
三昧因緣意三昧業作三昧健行王
三昧大力三昧甚深琉璃王三昧須
彌山三昧師子吼三昧甘露味三昧
莊嚴三昧火光三昧蓮華光三昧國土喜
三昧一切身三昧動大海王三昧動
大地王三昧一切三昧母三昧壞一
切女身三昧師子行王三昧圓王三
昧細行三昧鼓聲微妙三昧增長三
昧斷有三昧流三昧廣慧三昧變化
三昧光明三昧壞闇三昧大海智慧
三昧讚嘆三昧大讚歎三昧時三昧
大時三昧現在解脫三昧舍散三昧
分陀利華三昧輕三昧大樂三昧虛
空三昧解脫身三昧斷語三昧斷聲
三昧無愛三昧無勝三昧一切三昧驕
三昧龍王三昧風三昧風行王三昧

大藏經卷第十六卷大

無邊三昧無色三昧無邊色三昧法
意三昧微妙香三昧身意三昧首楞
嚴三昧壞惡三昧蓮華意三昧大力
翅三昧壞無明三昧菩提樹三昧寶
命命三昧大力命三昧日光三昧月
光三昧大海門三昧一切法界三昧
結使根三昧戒雨三昧戒雲三昧菴
羅果三昧菴羅華三昧淨三昧水三
昧曇三昧時三昧時王三昧衆三昧
無身三昧界三昧善界三昧地三昧
地神足三昧水等三昧青蓮華三昧
甘露味三昧無繫三昧菴菴三昧車
輪三昧轉輪聖王三昧不動三昧不
輕三昧不長三昧憐愍三昧淨意三
昧一切功德意三昧伊羅鉢羅三昧
無疑解脫三昧風神足王三昧無量
幢三昧虛空界三昧無慧星三昧光
寶三昧電時三昧童子三昧王子三
昧斷毒三昧法燈三昧國土王三昧
施世界三昧法貴德三昧法力三昧
上華三昧喜三昧大喜三昧知大力
三昧鎮頭迦果三昧精進三昧禪三
昧白鵝王三昧身光三昧無盡力三

大藏經卷第十七卷大

三昧無盡力解脫三昧增長名三昧端
正三昧能破壞三昧摩樓迦華三昧
善行三昧善光三昧寶地三昧白
三昧白種三昧淨行意三昧愛光三
昧虛空心三昧天冠三昧轉輪聖王
冠三昧念菩薩三昧護意三昧護甚
深三昧力乘三昧力乘光三昧力士
三昧力士精進三昧閻浮國三昧錯
魚三昧繫地三昧境界王三昧淨境
界三昧使心三昧朝青三昧有德意
三昧大青三昧大海色三昧大安三
昧明三昧無明三昧金剛意三昧世
尊目三昧須彌山王三昧雪山王三
昧世尊現行三昧勝三昧蓮華三昧
拘勿頭華三昧月藏三昧月樂藏三
昧華敷三昧地勝三昧現在念世尊
王三昧勝住三昧善住三昧善行三
昧大海三昧一切入平等三昧入一
切疑三昧大藥三昧大藥力三昧甘
露藥王三昧大藥力三昧大藥王三
昧大冷三昧大海三昧大冷王三昧無
冷無熱三昧安三昧安力三昧藥三
昧三乘三昧釋慧星三昧有德三昧寶

圖王三昧無定色三昧定華三昧六
入真淨三昧大界三昧能壞欲界三
昧瓔珞三昧金色三昧智愛三昧智
圖王三昧智三昧分陀利華三昧
日光王三昧月愛三昧光王三昧光
圖王三昧淨光王三昧光藏三昧青
光三昧時光三昧斷闇三昧光潮三
昧箭光三昧一切善根三昧婆羅那
耆象王三昧未生惡王三昧調柔三
昧能壞憍慢三昧妙德三昧妙聲三
昧貪味三昧圖地王三昧神通王三
昧神通根三昧轉輪聖三幢三昧轉
輪聖王幢三昧師子頭三昧日神通
三昧法護三昧廣三昧知業神通王
三昧高三昧無上三昧燈王三昧舍
宅三昧多喜三昧初地三昧戒地三
昧大海喜王三昧大海慈王三昧大
海悲王三昧大海捨王三昧忍辱王
三昧忍辱力界王三昧神通至心三
昧八解脫門三昧法界畢竟三昧無界
三昧無性三昧大田種子三昧智地三
昧海三昧海力三昧佛眼三昧佛門三
昧智行三昧佛面三昧一切觀三昧一

切福德王三昧虛空藏三昧虛空幻
三昧佛幻三昧惡性三昧治毒三昧
眠三昧覺三昧夢三昧得三昧神通
王三昧無我神通三昧勝見三昧勝
喜三昧隨世三昧佛面住三昧正見
三昧一切微塵三昧語無尋三昧淨
三昧身光三昧身燈三昧不礙三昧
不狂三昧一切勝光三昧水意三昧
漂三昧水沫三昧無勝三昧無勝智
三昧無勝身三昧精進三昧恒河沙
等勝王三昧知見圓光王三昧斷
畜生三昧願生畜生有三昧畜生神
通三昧樂畜生三昧不染畜生業三
昧入地獄三昧喜地獄三昧不染地
獄業三昧不染地獄業行神通王三
昧安樂行體三昧有德河三昧有德
海三昧淨河三昧淨行功德三昧福德
三昧福德青三昧淨福德聞三昧有
德夢三昧讚歎三昧有德夢得三昧
有德夢行三昧正有德三昧正有德
王三昧淨增長三昧智雨三昧風同
行三昧吉三昧吉莊嚴三昧吉神通
三昧吉神通王三昧無戒三昧雜色

三昧受戒三昧讚戒三昧戒實三昧
智燈三昧得戒實三昧常戒三昧常
戒入藏見三昧心三昧心王三昧常
戒喜三昧常樂戒三昧戒瓔珞三昧
戒天冠三昧戒具足三昧戒勝三昧
戒香三昧戒華三昧戒塗未香三昧
戒神通王三昧一切勝三昧一切華
三昧一切香醉三昧斷一切虛空三
昧受安樂三昧斷一切世法王三昧
常三昧恒三昧不變三昧地三昧無
刺地三昧無石沙三昧地等三昧大
雲琉璃王三昧聲鼓三昧大雲電三昧
大雲瀑水王三昧大雲水藏三昧大
雲水驤三昧大雲安水三昧大雲水
疑三昧大雲智海三昧大雲勝力三
昧大雲水光持王三昧大雲水潮海
三昧大雲海種三昧大雲不動水三
昧大雲水不動神通王三昧大雲端
正王三昧大雲一味三昧大雲一乘
三昧大雲安水泳三昧大雲多水三
昧大雲冷水三昧大雲不冷不熱神
通王三昧大雲月王三昧大雲有德
三昧大雲初力三昧大雲渴三昧大

大雲經第二卷 第三十張 大

雲

雲樂三昧大雲水行三昧大雲虛
空行三昧大雲水寶三昧大雲喜三昧
大雲寶種三昧大雲護三昧大雲水淨
王三昧大雲水歸依印三昧大雲法
印三昧大雲水淨光三昧大雲大水
藏王三昧大雲水定三昧大雲蓮華
三昧大雲水界三昧大雲水等三昧
大雲夜行三昧大雲水清三昧大雲
海無盡意三昧大雲放光三昧大雲
藏三昧大雲水聚三昧大雲水柱三
昧大雲師子王三昧大雲樂三昧大
雲淨三昧大雲貪三昧大雲懂三昧
大雲甚深三昧大雲雷三昧大雲增
長水三昧大雲藥王三昧大雲醉味
三昧大雲師子行三昧大雲大香象
王三昧大雲安樂三昧大雲風三昧大
雲水行不動三昧大雲無畏三昧大雲
水順三昧大雲無盡意三昧大雲漏
難數三昧大雲雷大力三昧大雲水
喜三昧大雲海水圓三昧大雲水幢三
昧大雲甘露雨三昧大雲梅檀涼三
昧大雲吉三昧大雲畢竟三昧大雲
無終始三昧大雲羅網三昧大雲寶

大雲經第二卷 第三十張 大

雨三昧大雲秘密三昧大雲慧星三
昧大雲意密三昧大雲大動三昧大
雲滅三昧大雲微妙音三昧大雲恒
河沙等三昧大雲水健三昧大雲轉
王三昧大雲水行三昧大雲命三昧
大雲狂王三昧大雲誑三昧大雲首
楞嚴三昧大雲馬王三昧大雲拍樹
三昧大雲無盡雲三昧大雲一切等
三昧大雲一切雨三昧大雲一切和合
三昧大雲婆羅樹果三昧大雲山埠
三昧大雲堅韌三昧大雲密行三昧
大雲密實三昧大雲幾王行三昧大
雲不可思議三昧大雲入住神通王
三昧善男子若有菩薩具足如是諸
三昧門則得菩薩多聞大海多聞寶
藏於阿耨多羅三藐三菩提心無疑
尋終不墮落於三惡道不生邊地得
宿命智造生死業樂於生死常得值
遇佛法僧寶乃至夢中亦不捨離得
端正身人所愛身無貪身無惡身大
身種姓身眷屬和樂不可沮壞不退
不減不墮不沒其所修行深心念慧
念皆趣向阿耨多羅三藐三菩提得

大雲經第二卷 第三十三張 大

雲

慚愧力斷除憍慢勤修精進慈悲喜
捨空無相願以薰其心願生淨土即
得往生眾邪異見所不能壞說法次
第句義不斷雖讀外典心不貪著終
不願求天身龍身夜叉乃至轉輪王
身亦不造作生死行業不求世間供
養恭敬護持正法魔不得便見持法
者深生恭敬所得智慧猶如大海不
增不減如月威滿除眾闇冥如日如
燈不受煩惱猶如虛空煩惱不染如
華嚴水住無所住如空無別破散諸
法如真金剛持一切法猶如雪山定
知如來常不變易其智清淨如琉璃
寶得如來戒勢力大海其心慈哀憐
愍眾生不動不轉如帝釋幢壞諸惡
法得上妙味猶如美妙迦陀迦果隨
順世法無所違逆善男子是則名為
初三昧門善男子若有成就具足如
是四百三昧當知是人善護法藏今
時眾中有一天子名曰淨密與萬八
千諸天子俱來至佛所頭面作禮合
掌恭敬雨天華香幢幡伎樂以供養
佛右邊三匝即說讚曰

大雲經第一卷 第二十四卷 大
如來不思議 法僧亦復然我見三昧雨

如世觀甘露

大方等無想經卷第二

癸卯歲高麗國大藏都監奉
勅彫造

大方等無想經卷第三

北涼天竺三藏曇無讖譯

大

大雲初分陀羅尼健度第三

今時大雲密藏菩薩白佛言世尊若有衆生未入如是方等經者當知是輩猶如盲聾此經中有三十六種不退智寶無邊心行意入陀羅尼門即是一切諸法初門唯願如來為是等故廣宣分別佛言善哉善哉善男子諦聽諦聽善思念之今當為汝分別解說此經中有諸佛菩薩不退寶輪藏陀羅尼門此經復有諸佛菩薩大雲不退清淨密水陀羅尼復有諸佛菩薩大雲不退秘密光明陀羅尼復有諸佛菩薩大雲不退大雨陀羅尼復有諸佛菩薩大雲不退流水陀羅尼復有諸佛菩薩大雲不退盡意陀羅尼復有諸佛菩薩大雲不退電光陀羅尼復有諸佛菩薩大雲不退涼電陀羅尼復有諸佛菩薩大雲不退淨光陀羅尼復有諸佛菩薩大雲不退慧星意陀羅尼復有諸佛菩薩大

大雲經第三卷 大

雲不退密藏光意陀羅尼復有諸佛菩薩大雲不退大咒意陀羅尼復有諸佛菩薩大雲不退有德意陀羅尼復有諸佛菩薩大雲不退虛空藏王陀羅尼復有諸佛菩薩大雲不退大藥王陀羅尼復有諸佛菩薩大雲不退大雨王陀羅尼復有諸佛菩薩大雲不退稱意陀羅尼復有諸佛菩薩大雲不退寂靜山意陀羅尼復有諸佛菩薩大雲不退意行陀羅尼復有諸佛菩薩大雲不退上高王陀羅尼復有諸佛菩薩大雲不退潮王陀羅尼復有諸佛菩薩大雲不退鷄王目陀羅尼復有諸佛菩薩大雲不退大海智陀羅尼復有諸佛菩薩大雲不退甚深意王精進陀羅尼復有諸佛菩薩大雲不退雨種陀羅尼復有諸佛菩薩大雲不退地勢陀羅尼復有諸佛菩薩大雲不退歡喜陀羅尼復有諸佛菩薩大雲不退世意陀羅尼復有諸佛菩薩大雲不退不動意陀羅尼復有諸佛菩薩大雲不退地陀羅尼復有諸佛菩薩大雲不退

如來廣為衆生分別解說佛言善哉
善哉善男子諦聽諦聽善思念之吾
當為汝開示解說此經中有得生死
煩惱田果實法門復有生死田樂王
法門復有生死莊嚴住心法門復有
生死喜地法門復有生死期地法門復
有生死正見法門復有生死眴法門
復有生死衣法門復有生死久住法
門復有生死光明法門善男子是名
十生死煩惱業田得心定願藏法門
今時衆中有龍王名曰無毒以諸雜
香上妙諸花幡蓋伎樂供養於佛即
說讚曰

為諸衆生故 顯示生死義 佛無煩惱等
為衆故慶之

大雲初分智狂入健度第七

今時大雲密藏菩薩言世尊有十種
智狂不可思議神通王所入法門唯
願如來廣開分別佛言善哉善哉善
男子諦聽諦聽善思念之吾當為汝
分別解說此經中有得大安隱法門
無勝勝神通王法門無稱稱光所入
法門無量量光所入法門菩提時法

門期光法門高梯法門寬腹法門持
一切衆生法門現在光法門善男子
是名十種智狂不可思議神通王所
入法門於是衆中有一天女名曰善
鬘以種種雜華上妙諸香幡蓋伎樂
以供養佛即說讚曰

佛心難思議
智身亦復然
為化衆生故
廣開此法門

大雲初分解脫轉福德藏法門健康第八

今時大雲密藏菩薩言世尊有十智甚深入無畏行法王法門唯願如來廣分別說佛言善哉善哉善哉善哉子諦聽諦聽善思念之吾當為汝分別解說有解脫一切惡法法門虛空藏法門甚深安入法門細針法門海不動法門智燈法門身口法門斷入一切煩惱法門堅意入法門淨意無尋法門善男子是名十智甚深入無畏行法王法門時大衆中有一天女名金光明以種種雜華上妙諸香幡蓋伎樂以供養佛即說讚曰
如來金色身 智寶為瓔珞 善法之寶聚 猶須弥草木

猶須弥草木

大雲初分解脫有德寶藏健度第九
 今時大雲密藏菩薩言世尊有十種
 大雲見流不可思議功德寶藏法門
 唯願如來分別解說佛言善哉善哉
 善男子諦聽諦聽善思念之吾當為
 汝分別演說有樂慈藏法門樂悲藏
 法門樂喜藏法門樂捨藏法門寶水
 流藏法門大海行法門如來所說法
 流法門時入藏法門想意寶藏入法
 門一切大法聚法門善男子是名十
 種大雲見流不可思議功德寶藏法
 門時大衆中有一天子名智愛樂以
 種種雜華上妙諸香幡蓋伎樂以供
 養佛即說讚曰

如來無生滅 佛法難測量 衆生無明覆
廣演於法界

大雲初分轉功德行健度第十

今時大雲密藏菩薩言世尊有十種
 雨洩不可思議功德藏法門唯願如
 來分別解說佛言善哉善哉善男子
 諦聽諦聽善思念之吾當為汝廣宣
 分別善男子有雨網法門有寶王法
 門有雨大海王法門有雨塵法門有

大雲經第三卷 第九張 大

雨斷毒法門有雨滿安樂法門有雨體法門有雨種種正見法門有雨功德法門有雨涼樂法門善男子是名十種雨流不可思議功德藏法門時大衆中有一天子名虛空雷持諸華香幡蓋伎樂以供養佛即說讚曰諸佛如來說上妙微密藏能令一切衆永度煩惱流斷滅生死苦一切永無餘深自覺悟得涅槃常樂俱如來天中天成就無量德今說大雲經為衆發道心大雲初分雲虛空生健度第十一

今時大雲密藏菩薩言世尊有十種大雲得虛空定法門唯願如來善分別說佛言善哉善哉善男子諦聽諦聽善思念之吾當為汝分別解說有善法王法門見性法門智無勝王法門無憍慢法門無盡意法門不可思議法門無尋法門甚深法門質直法門虛空相法門善男子是名十種法門時大衆中有一天女名妙族姓持諸香華幡蓋伎樂以供養佛即說讚曰如來深密藏衆生所不解唯願為一切分別今淺易

大雲經第三卷 第十張 大

大雲初分電光轉健度第十二

今時大雲密藏菩薩言世尊有十種大雲電光法門唯願如來廣分別說佛言善哉善哉善男子諦聽諦聽善思念之吾當為汝分別解說有六通法門功德法門寶光法門虛空精進法門藏法門戒調法門功德藏法門斷疑法門琉璃意法門清淨法門功德甚深大海法門壞一切結法門金垢法門善男子是名十法門時大衆中有一天女名曰善喜持諸花香幡蓋伎樂以供養佛而讚嘆曰如來大醫王無身方便身無尋如虛空廣說大雲經

大雲初分電轉健度第十三

今時大雲密藏菩薩言世尊有十種寶電行法門唯願如來廣開分別佛言善哉善哉善男子諦聽諦聽善思念之吾當為汝分別解說有電光寶王法門利智慧法門智慧能壞法門初智法門智海法門法疑法門吉祥法門法鼓法門須弥山法門能壞闇法門風等行法門善男子是名十法

大雲經第三卷 第十一張 大

門今時衆中有一天女名恒河神持諸香華幡蓋伎樂以供養佛而讚嘆曰無畏無我心無貪慾衆生以大方便故而為一切世如來功德力故令我得知無上無邊身不可得思議我聞是經已永斷諸煩惱

大雲初分神通健度第十四

今時大雲密藏菩薩言世尊有十種大雲電光幻法門惟願如來廣分別說佛言善哉善哉善男子諦聽諦聽善思念之吾當為汝分別解說善男子有調幻法門調藏法門樂法法門求法法門燒結法門生一切法法門斷諸諍訟法門能消煩惱法門上高法門念無盡法門度一切衆生法門善男子是名十法門時大衆中有一天女名曰大喜持諸華香幡蓋伎樂以供養佛以偈讚曰如來大神通其身無動轉為衆斷生死故說大雲經

大雲初分寶電健度第十五

今時大雲密藏菩薩言世尊有十種大神通法門惟願如來分別解說佛

言善哉善哉善男子諦聽諦聽善思念之今當為汝分別解說善男子有寶電法門電等法門電莊嚴王法門電燈法門電樂法門電同法門電無盡意法門電上上法門電上容法門電甚深法門善男子是名十種法門今時衆中有一天女名曰嚴飾自喜持諸香華幡蓋伎樂以供養佛即說讚曰世尊大電王 天中天滿雨 知諸煩惱業而能永斷之凡夫結無邊輪轉受生死菩薩無煩惱故不至諸趣

大雲初分金剛智健度第十六

今時大雲密藏菩薩言世尊有十智金剛行入智法門惟願如來廣分別說佛言善哉善哉善男子諦聽諦聽善思念之吾當為汝分別解說有神通寶聚法門喜王法門神通平等法門白鶴聲法門虛空無導法門樂王法門法幢法門甚深大海法門不動法門無邊光法門不可思議法門無量劫法門梵本善男子是名十法門時大衆中有一天女名深智愛持諸香華幡蓋伎樂以供養佛即說讚曰

如來無上王 無生亦無滅為諸衆生故示現於生滅真實常不變為衆說無我其身如金剛不可得沮壞大雲初分無盡健度第十七

今時大雲密藏菩薩言世尊有十無盡意入神通法門惟願如來廣分別說佛言善哉善哉善男子諦聽諦聽善思念之吾當為汝分別解說有甘露意入法門安寶法門樂法門喜法門甚深精進法門意行法門無盡樂法門常喜樂法門善男子是名十法門梵本今時衆中有一天女名大寶輪持諸香華幡蓋伎樂以供養佛即說讚曰

如來無分富其身無觸導憐愍一切故樂說大乘經

大雲初分正行健度第十八

今時大雲密藏菩薩言世尊有十正道法門惟願如來廣分別說佛言善哉善哉善男子諦聽諦聽善思念之吾當為汝分別宣說有深廣行法門健行法門現力法門健勝法門一切天人法門入一切時法門不染一切

時法門一切道喜法門斷一切惡道法門大海常潮法門大海神通法門梵本善男子是名十法門今時衆中有一天女名曰善得持諸香華幡蓋伎樂以供養佛即說讚曰

如來無上尊 修集於正道 雖成堅固藏其心初無怯慈愍於衆生及為我等故今於此寶座宣說如是經大雲初分師子吼健度第十九

今時大雲密藏菩薩言世尊有十種甚深師子吼行法門惟願如來分別解說佛言善哉善哉善哉善男子諦聽諦聽善思念之吾當為汝分別解說有一切味吼法門一切味喜法門時神通王法門蓮華法門喜地法門大喜地法門四威儀法門聖行法門淨法門一切法體法門善男子是名十法門時大衆中有一天女名微妙聲持諸香華幡蓋伎樂以供養佛而說讚曰無上智微妙猶如大海水其力難思議故能師子吼為諸衆生故生於憐愍心今說方等經其意無所畏大雲初分師子吼神通健度第二十

大雲經第五卷 第十五張 大

前

今時大雲密藏菩薩言世尊有十師子吼神通法門惟願如來分別解說佛言善哉善哉善男子諦聽諦聽善思念之吾當為汝分別解說有光法門法華法門法鼓法門法寶法門法藏法門法力法門法動法門三匝法門大地法門難近法門一切纓絡法門梵本善男子是名十法門時大眾中有一天子名師子吼持諸香華幡蓋伎樂以供養佛而說讚曰如來無因喻無勝無有邊為諸眾生故方便師子吼

大雲初分善方便健度第二十一

今時大雲密藏菩薩言世尊有十八世間方便法門惟願如來廣分別說佛言善哉善哉善男子諦聽諦聽善思念之吾當為汝分別解說有生王入法門畢竟多方便入法門信心入法門師子神通法門世界非世界法門時入法門善不善法門能調惡人法門有德王入法門得一切恭敬法門下業行法門梵本善男子是名十法門是時衆中有一天子名婆羅

大雲經第三卷 第三張 大

可迎持諸華香幡蓋伎樂以供養佛而說讚曰

如來方便入涅槃 其身不動亦不滅

所入禪定難思議 衆生不解謂永滅

大雲初分神通健度第二十二

今時大雲密藏菩薩言世尊有十神通寶藏入法門惟願如來分別解說佛言善哉善哉善男子諦聽諦聽善思念之吾當為汝分別解說有法周羅

法門大神通法門寶香藏法門師子吼入聚法門破法相法門荷檀涼法門無相法門無語法門蓮華法門稱

法門善男子是名十法門是時衆中有一天子名增長有德持諸華香幡

蓋伎樂以供養佛即說讚曰

三千大千界佛於法自在 法身不可見

為衆現相好

大雲初分金翅鳥健度第二十三

今時大雲密藏菩薩言世尊有十金翅鳥神通所入法門惟願如來分別

解說佛言善哉善哉善男子諦聽諦聽善思念之吾當為汝分別宣示有

能壞婆修吉龍王力神通王法門自

大雲經第六卷 第七張 大

前

在力入法門喜入法門開勇入法門大海時入法門能壞大山法門能壞風力法門長見法門能壞一切毒法門得寶寶法門善男子是名十法門是時衆中有一天子名深淨行持諸華香幡蓋伎樂以供養佛即說讚曰如來大法王慧眼喻千日定根金剛手能壞諸煩惱

大雲初分大捨健度第二十四

今時大雲密藏菩薩言世尊有十大捨時微妙神通王法門惟願如來分

別解說佛言善哉善哉善男子諦聽諦聽善思念之吾當為汝分別解說

有無尋力甚深法門戒住法門戒廣

王法門戒界王法門寶乳流法門功

德流微妙法門慈力流法門忍辱流

法門喜力流法門捨力流法門善男

子是名十法門是時衆中有一天子

名寶貴德持諸花香幡幢伎樂以供

養佛即說讚曰

礼佛無量力 常住不壞身 為諸眾生故

說種種法界

大雲初分無畏健度第二十五

前

今時大雲密藏菩薩言世尊有十無畏神通法門惟願如來分別解說佛言善哉善哉善男子諦聽諦聽善思念之吾當為汝分別宣示有能壞婆修吉龍王力神通王法門自

今時大雲密藏菩薩言世尊有十無所畏大力神通所入法門惟願如來分別解說佛言善哉善哉善男子諦聽諦聽善思念之吾當為汝分別解說有無所畏力神通法門不憚樂報法門寶聚法門十有德法門淨陀法門淨光行法門淨寶光法門喜入法門淨等法門電光法門善男子是名十法門是時衆中有一天子名寶慧星持諸華香幡蓋伎樂以供養佛即說讚曰

如來秘密藏甚深如大海為諸衆生故淨行於法界

大雲初分入行健度第二十六

今時大雲密藏菩薩言世尊有十入行法門惟願如來分別解說佛言善哉善哉善男子諦聽諦聽善思念之吾當為汝分別解說有入藏法門正行法門正實法門吉稱法門稱法門常喜法門日躋法門悲力法門忍辱法門常淨法門善男子是名十法門是時衆中有一天子名寶正光持諸華香幡蓋伎樂以供養佛即說讚曰

如來智慧海甚深難可測普為衆生故今說大雲經

大雲初分至健度第二十七

今時大雲密藏菩薩言世尊有十種至心所入法門惟願如來分別解說佛言善哉善哉善男子諦聽諦聽善思念之吾當為汝分別解說有住善界法門大海智法門智潮法門神通行法門虛空神通法門無熱法門初成法門隨行法門施喜法門善至心法門善男子是名十法門是時衆中有一天子名波頭摩智持諸華香幡蓋伎樂以供養佛即說讚曰

如來無見頂無勝無有上今放大光明廣為諸衆生

大雲初分勇力健度第二十八

今時大雲密藏菩薩言世尊有十勇王大力微妙法門惟願如來分別解說佛言善哉善哉善男子諦聽諦聽善思念之吾當為汝分別宣說有健勝田行法門首楞嚴法門勇健神通法門健力法門健歸法門衆生具足法門智堅健行法門壞癩塗法門廣

力法門健調光法門健意法門善男子是名十法門是時衆中有一天子名曰勇武持諸花香幡幢伎樂以供養佛即說讚曰

眷屬不可壞猶如金剛寶摧伏魔官屬為衆說是經

大雲初分善健度第二十九

今時大雲密藏菩薩言世尊有十種善行大神通王所入法門惟願如來分別解說佛言善哉善哉善男子諦聽諦聽善思念之吾當為汝分別說之有善實調法門善聚法門善堂法門善行法門善意法門善德法門善淨法門善調光法門一切善行環瑤法門梵本善男子是名十法門是時衆中有一天子名曰善護持諸香華幡蓋伎樂以供養佛即說讚曰

成就於善相安坐善妙床廣為諸衆生敷演無上法

大雲初分神通健度第三十

今時大雲密藏菩薩言世尊有十三神通藏得開示法門惟願如來分別解說佛言善哉善哉善男子諦聽諦

大雲經第三卷 第二十五

聽善思念之吾當為汝分別宣示有樂神通密法門喜神通密法門大喜神通密法門行神通密法門師子神通密法門等神通密法門示神通密法門悲神通密法門捨神通密法門梵本善男子是名十三法門是時衆中有一天女名大海意持諸華香幡蓋伎樂以供養佛即說讚曰

落提樹常佳 弟子樂依止 安般不動經 故得生定牙 獲果常不變 是故稽首礼 大雲初分智健度第三十一

余時大雲密藏菩薩言世尊有十智初行法門惟願如來分別說之佛言善哉善哉善男子諦聽諦聽善思念之吾當為汝分別解說有法增長法門喜食法門無盡意法門貪神通法門施舟法門不樂世間法門莊嚴地法門莊嚴界法門樂調法門住時法門善男子是名十法門是時衆中有一天女名須臾華持諸華香幡蓋伎樂以供養佛即說讚曰如來戒無上智慧無上上憐愍衆生故廣說大雲經

大雲經第三卷 第二十六

大雲初分智寶藏菩薩言世尊有十智今時大雲密藏菩薩言世尊有十智寶藏法門惟願如來分別解說佛言善哉善哉善男子諦聽諦聽善思念之吾當為汝分別宣示有善持寶藏法門持法門恭敬法門心持法門調王法門正精進法門大海寶藏法門樂吉法門智果法門大吉法門成就功德法門端正法門持戒精進法門梵本善男子是名十法門是時衆中有一天女字蓮華持諸華香幡蓋伎樂以供養佛即說讚曰

如來大智海 我今至心礼 深定秘密藏 大悲故宣說 如來既自獲 常樂哉淨等 亦復令衆生 同已之所得 大雲初分施健度第三十三

余時大雲密藏菩薩言世尊有十正知微妙寶藏法門惟願如來分別解說佛言善哉善哉善男子諦聽諦聽善思念之吾當為汝分別解說有寶藏法門淨藏法門淨樂法門施樂法門施目法門深藏法門深法莊嚴法門正見法門愍一切衆生法門梵本善男子

大雲經第三卷 第二十七

是名十法門是時衆中有一天女字法寶樂持諸花香幡蓋伎樂以供養佛即說讚曰

如來大施主 莊嚴大施聚 施一切衆生 不觀田非田

大雲初分福田健度第三十四

余時大雲密藏菩薩言世尊有十種福田種子法門惟願如來分別解說佛言善哉善哉善男子諦聽諦聽善思念之吾當為汝分別解說有寶行勝法門寶流南法門寶行聚法門寶功德聚法門寶正意法門寶目法門寶意法門寶光法門寶燈法門寶電法門無盡意法門寶住法門一切寶田法門梵本善男子是名十法門是時衆中有一天子名曰寶雨持諸香華幡蓋伎樂以供養佛即說讚曰諸佛等正覺是世之福田 大慈悲憐愍一切諸衆生 能了田非田 故名阿梨呵 大雲初分正法健度第三十五

余時大雲密藏菩薩言世尊有十種真實神通安樂樂王所入法門惟願如來分別解說佛言善哉善哉善哉善男子

諦聽諦聽善思念之吾當為汝分別
解說有不動法門住貌法門不動樂
法門深住法門不可思議聚法門不可
思議聚解脫法門樂意法門不可思
議住法門如來智印法門一切大海
無盡意法門善男子是名十法門是
時衆中有一天子名曰大光持諸香
華幡蓋伎樂以供養佛即說讚曰
諸佛婆伽婆 所說微妙法 所為諸衆生
悉皆難思議

大方等無想經卷第三

癸卯歲高麗國大藏都監奉
勅彫造

大方等無想經卷第四

北京天竺三藏聖德太子

大雲初分如來涅槃健康第三十六

於是衆中有大梵王名曰健行持諸
供具供養於佛合掌恭敬右遶三匝
上昇虛空高七多羅樹白佛言世尊
大乘經典凡有幾種三昧摠持所修
行道秘密之藏樂說無尋如來境界
國土世間復有幾種如來大慈憐愍
一切故我今日敢生此問願二足尊哀
矜宣說說已我當頂戴受持時有天
子名無盡意在大衆中承佛威神即
為梵天而說偈言
善哉大梵王 問佛宣實義 佛當如實答
廣度諸衆生 應當至心聽 恭敬而尊重
一方等經 恒沙義難解 如來大法王
廣開闡法界 佛得摠持法 非二乘所解
大梵大乘經義非惟一種乃至萬種假
使有人智如阿難所得壽命如恒河
沙不能受持知其義理復使人其
舌辯利數如恒沙說亦不盡何以故
是大乘經其義深遠不可思議不可

稱量境界難知過去未來現在諸佛
說其句義猶不可盡梵天所如醫師
為療病故所說藥方亦不能盡諸佛
世尊亦復如是梵天譬如女人惟有一子欲令長大漸令服蘇諸佛世尊亦復如是梵天已為衆生興發此問我當至心聽受其義

今時大雲密藏菩薩白佛言世尊此經中說四百三昧其義甚深難可得解惟願如來分別解說佛言善哉善哉善男子如汝所問欲療衆生雜惡穢垢令得忍辱正信之心正精進心念心定心欲令未來薄福之人生福德故故發此問善男子若有國土城邑聚落四部之衆受持讀誦書寫解說如是經者時早則雨雨過則止善男子隨有國土其中衆生受持讀誦書寫解說聽此經者當知是人得金剛身何以故是經典中有神呪故為衆生故三世諸佛悉共宣說
郁究隸 牟究隸 頭垣 比頭垣 陀尼 羯垣 陀那賴垣 陀那僧塔兮
若有四衆讀誦此呪則為諸佛之所

大雲經第四卷 第三張 大

稱讚若有國土欲祈雨者六齋之日其王應當淨自洗浴供養三寶尊重讚嘆稱龍王名善男子四大之性可令變易誦持此呪天不降雨無有是處汝先所問四百三昧義至心諦聽當為汝說善男子此經中有諸佛菩薩甚深淨水大海三昧非諸聲聞緣覺所知故名甚深能斷一切生死渴乏故名淨水邊不可得故名大海諸佛世尊同平等故故名三昧若有菩薩具是三昧則得常樂我淨之身得多聞海多聞寶藏於菩提心無有動轉不退佛慧常住之身無有變易心無疑尋不離法雨常遇三寶值善知識成就一切真正福德善男子汝當受持如是三昧持已則得具足成就無量功德復次善男子復有甚深淨水大海所入三昧無有三昧而能宣說是三昧相故名甚深洗濯生死故名為水無能得底故曰大海得不動身常樂我淨故名為入畢竟故故名三昧善男子若有菩薩具是三昧則能變為諸天形像見事梵者即作梵

大雲經第四卷 第三張 大

像為破梵事而心不著見事自在天作自在天像見事八辟作八辟像見事建馱作建馱像見事天母作天母像見事鬼者即作鬼像雖亦如是種種形像為壞彼見心實無著見有屠者即現屠像為欲化彼令不煞生酒家乃至旃陀羅像亦復如是見有博弄戲笑之處悉現其像為斷貧窮現畜妻息奴婢僕從而其內心常修梵行雖服寶飾心常清淨亦現服食甘美衆饌內常法喜以自充潤入諸娼舍為化欲惡諸不善者博士卜噬鳥鷲之身乃至一切畜生雜類亦復現入一切形殘身不具足為欲宣說身過患故乃至九十五種邪道隨示其像破彼見故亦現自身四百四病為治衆生內外病故讀誦外書解種種語亦現奴婢僕從男女老少之像及亦生老病死等像為欲調伏諸衆生故能解一切鳥獸等語現作香華藥草果蔬或亦王身王子大臣長者身像或亦沙門婆羅門像帝釋天王轉輪聖王日月等像所以示現四大天王

大雲經第四卷 第三張 大

為欲擁護四天下故亦現諸佛自在神通終不畢竟入於涅槃變作衆色不壞色性雖得往生諸佛淨土終不分別國土之相獲得諸佛甚深三昧而於法界無所分別為人天主心無憍慢雖說夢事不見夢相外現魔事實無魔業行於世間世法不汙猶如蓮華處汙不染善男子如是之果名為成就甚深大海所入三昧亦時衆中有婆羅門名曰善德白佛言世尊如來之法甚深秘密為諸衆生分別演說而是薄福鈍根愚癡提婆達多不聽不受不知恩分純與六群惡惡比丘同其所行增長地獄出佛身血破壞衆僧生於釋種增長憍慢實非人類強名為人察其行迹畜生無別復從無量阿僧祇世常於如來生惡逆心其有施者無有果報自所修善亦不成就如尼軋子等無差別尼軋子說無受無施提婆達多亦復如是真是魔黨非佛眷屬何以故常於如來起害心故雖名沙門無沙門義猶如袈裟裏覆利刀實是禿人名為無

命所有徒衆亦復如是實非世尊作世尊想世尊如來若是一切智者何故聽此弊惡之人出家剃髮受具足戒如來所說普令衆生於善根是人何故獨不得生如來慈哀常以樂說為諸衆生廣宣正法聞者蒙潤善根開敷提婆達多何故不得預斯利益如來性淨身淨心淨眷屬應淨何故衆中而有此輩余時大雲密藏菩薩承佛神力語善德言善哉善哉大婆羅門一切聲聞辟支佛等於是事中都不能問汝今乃能諮問是義至心諦聽我當承佛威神道力為汝廣說汝不應言提婆達多不知恩分是人知恩非不知也雖與六群同其所行不名為惡提婆達多不可思議所修業行皆同如來如來業行即是提婆達多業行一切衆生不能開顯如來世尊真實功德提婆達多能開示人令阿僧祇無量衆生安住善根如來業行非地獄種云何而言提婆達多是地獄人汝言同於六群所行汝今當知六群比丘實非弊惡所行之法

亦同佛行大婆羅門如來身血實無有出提婆達多亦不能出若言樹影有出血者無有是處如來之身亦復如是若言出血當知即是善權方便不可思議大婆羅門釋迦如來種性清淨如紺琉璃所有弟子無有毀禁我亦不見如來弟子有破戒者如來所說無上正法實令聞者生於善根非不生也如來大衆成就持戒悉入佛境徒衆眷屬如栴檀林純以栴檀而為園遶不可沮壞如金剛山亦不見有能得壞者有怖畏者則可破壞如來弟子永無憂怖若無憂怖云何可壞不可破壞如師子群如來法王如師子王純以師子而為眷屬如是眷屬難可測度非是聲聞緣覺境界不可毀滅如灰覆火如來無上一切智人若聽剃髮受具戒者終無毀禁一切衆生皆入如來所知境界是故如來名一切智提婆達多具足如是不名壞僧大婆羅門假使千萬無量諸魔亦不能壞若言弊惡提婆達多壞衆僧者當知即是善方便也云何而

言行同畜生提婆達多真實生於釋迦如來淨種姓中不生畜生若言釋種作諸惡者無有是處提婆達多所行惡行為欲顯示釋迦如來功德力故釋種中生名禿人者亦無是處提婆達多善能護持解脫淨戒云何而言尼乾子耶有惡欲者乃名惡人提婆達多心無惡欲云何而言惡比丘耶修行如來善方便者提婆達多即其人也大婆羅門若有人言提婆達多集地獄業當知即是菩薩業也菩薩業者即是神通為化衆生故在地獄當知實亦不處地獄譬如二人道路共行後各別去一東一西若言是人故和合者亦無是處若言如來提婆達多相遠離者亦無是處大婆羅門有人然生造作惡業法應無量百千世中地獄受果有人修善法應無量百千世中天上受報有修善者地獄受果行惡之人天上受報此乃諸佛如來境界非諸聲聞緣覺所知如來成就無量微妙真實功德云何而言提婆達多能壞佛身實無量世中

於如來所生惡逆心提婆達多實無
害心何以故是人真實決定了知善惡
報故知一念惡無量世中地獄受報以
是義故提婆達多終不造惡如來
已於無量世中永斷諸惡云何衆生
能於如來起惡心耶若言提婆達多
是地獄人云何得與如來法王同一
種姓地獄衆生得與如來同眷屬者
亦無是處若言提婆達多無量世中
造作諸惡應無量世地獄受報云何
得與如來一處若與如來同一處者
當知是人非是惡惡若提婆達多真
實惡人云何得與如來和合如彼二
人東西路乖理無和合提婆達多隨
順佛語聞東則東不違聖旨云何當
名地獄人耶若今至東故違西去則
不得名非地獄人若言提婆達多地
獄人者是無惡人所以者何地者名
人獄者名天往來人天名地獄人復
次地者名常獄名無相提婆達多亦
常無相故名地獄復次地名為樂獄
者名斷樂斷生死故名地獄復次地
者名善方便獄名能說說善方便故

名地獄大婆羅門如來世尊有善方
便復能宣說不名地獄云何得名提
婆達多為地獄人提婆達多所有境
界實非聲聞緣覺所知大婆羅門如
來世尊常所稱讚黃頭大士即是提
婆達多比丘六群比丘亦大菩薩提
婆達多與共同行云何得名地獄人
耶如栴檀樹栴檀園遠如香象蹊路
非驢所堪還是香象之所能忍大婆
羅門如來世尊大香象王亦復如是
所說深義非是二乘之所能知還是
香象諸大菩薩乃能受持提婆達多
成就如是無量功德汝應懺悔恭敬
供養尊重讚嘆大婆羅門比丘比丘
尼優婆塞優婆夷能知提婆達多功
德了了不疑當知是人真佛弟子得
佛功德二分之一得佛一目得佛半
身大婆羅門提婆達多所有功德一
切衆生所不能知如來功德所有境
界一切衆生亦不能知復不能見如
來法身大婆羅門提婆達多真實能
知如來所有微妙功德聲聞緣覺實
所不知惟有提婆達多了了不疑亦

能示現如來所現無量神通能示衆
生如來所行知佛如來所有國土提
婆達多是丈夫如來所遊在在處處
提婆達多亦隨逐行以是義故名
大丈夫諸佛如來境界甚深秘密之
言不可思議惟有提婆達多比丘能
得了知如來今者當開密語仁可善
聽今時大衆異口同音而讚頌曰
假使魔波旬其數無有量盡其神通力
不能壞衆僧如來無上尊大慈憐愍心
為諸衆生故示現業報
今時世尊讚嘆大雲密藏菩薩摩訶
薩言善哉善哉汝今快說提婆達多
真實功德一切聲聞辟支佛等不能
解了大乘方等功德勢力汝將欲壞
一切衆生所有疑心是故開顯提婆
達多菩薩功德
復次善男子此經復有諸佛菩薩深
進大海水潮三昧若有菩薩成就具
足是三昧者須弥山王高大堅韌能
以口吹令其碎破猶如微塵入草塵
糝而亭歷糝亦不增長四大天王亦
不驚怖不破不壞不自覺知所安之

廣三十三天亦復如是善男子是名
善薩成就具足深進大海水潮三昧
復次善男子若有善薩成就具足是
三昧者以四大海水入一毛孔不燒
龜鼈龍魚鼈水性之屬壽命如常
無有損失諸龍王阿修羅乾闥婆不
自覺知所至之處能以三千大千世
界安置右掌斷取大地如陶家輪擲
置他方恒沙界外其中衆生都不覺
有往來之想取彼世界安置此土亦
復如是

今時善德以諸香華幡蓋伎樂供養
於佛合掌恭敬白佛言世尊大慈憐
愍一切如羅睺羅今欲啓請惟願聽
許今時世尊嘿然不答是時衆中有
梨車童子名曰一切衆生樂見語善
德言如來嘿然已不相許我今當隨
疑致問婆羅門言梨車我曾從他聞
如是義若能供養如來舍利如芥子
許福報應得切利天主梨車是大雲
經其義甚深如來密語難可得解非
諸聲聞緣覺所知何況我等邊地之
人我今欲得如來舍利如芥子許恭

敬札拜冀虔切利為彼天主我從昔
來常有此願今時梨車即說偈言
假使恒河中駛流生蓮花拘提羅鳥白
舍利乃可得假使龜生毛任作僧伽梨
冬日能消冰舍利乃可得假使童子脚
堪任作槁梁能度一切衆舍利乃可得
假使水中蛭忽然生白齒大如香象牙
舍利乃可得假使兔生角堪任作梯登
高至淨居天舍利乃可得假使鼯鼠等
緣於兔角梯在上而食月舍利乃可得
假使蠅能飲鍾石淳好酒迷荒而耽醉
舍利乃可得假使驢口脣形如頻婆果
善能歌詠舞舍利乃可得假使烏角鴛
同共一樹棲飲食不相離舍利乃可得
假使棘刺葉周遍覆三千大千世界上
舍利乃可得假使小舟船能載須彌山
度於大海水舍利乃可得假使小鳥雀
旁銜大香山移置於他處舍利乃可得
時婆羅門即說偈頌答梨車言
善哉梨車子能知深方便今當至心聽
我說佛功德佛境難思議所得已畢竟
諸佛常無變是故無生處諸佛色平等
是名佛法界如來非作法亦復非有生

如來金剛身不可得破壞以是故舍利
真實不可得如來無舍利乃至如芥子
無有血肉骨云何有舍利如來為衆生
現受方便身諸佛身常住法界亦復然
隨應諸衆生方便為說法亦隨其所宜
而現種種身若佛有慈愍普及諸衆生
何故不見為分身施舍利
今時衆中有一天女名曰淨光復以
香華幡蓋伎樂供養於佛合掌恭敬
白佛言世尊如是二賢成就甚深微
妙智慧能開如來秘密之藏從何處
來惟願演說佛言善哉善哉天女汝
為衆生故問是義諦聽諦聽吾當說
之如是二人是佛真子如香象王是
大丈夫為衆生故樂處生死知恩報
恩我所護念善能護持諸佛種姓為
佛重任熾然法燈天女過去無量億
劫由他阿僧祇劫今時有佛号同性
燈如來應正遍知明行足善逝世間
解無上士調御丈夫天人師佛世尊
時閻浮提多有衆生無量無邊不可算
數悉皆成就安隱快樂無諸飢渴若
憊等患其地廣博清淨嚴事廣縱六

大雲經第四卷 第十七章 大

萬八千由旬多有諸城七萬八千一大城七寶所作其城四壁有九万却敵

今時大城名曰寶聚即是今之王舍城也時寶聚城有八万千億人同姓燈佛出生彼城彼城所有無量衆生悉發阿耨多羅三藐三菩提心成就神通人中象王天女今時如來在大衆中作師子吼宣說如是大雲經典時彼城中有王名曰大精進龍王有夫人名曰護法有一大臣名法林聚爾時國王與其夫人及其大臣往彼佛所供養恭敬合掌作禮右遶三匝却坐一面今時同姓燈佛知大精進龍王心中所念放大光明名無所畏王遇此光心得法喜今時大臣承佛神力白佛言世尊如來舍利為可得今時世尊默然不答天女今時大王為正法故即共大臣歸覆往反論議舍利時佛聞已即讚嘆言善哉善哉彼佛衆中有大弟子字摩訶男心生善欲而作是念善哉大王善解如來甚深法界時佛即為時會大衆

大雲經第四卷 第十六章 大

說王所解深法妙義大衆已聞皆生驚疑時佛即告諸大衆言此王功德不可思議深不可測非是汝等所能得解今時大王聞佛稱讚已之功德心大歡喜即起供養右遶千匝以採寶華用散佛上而復讚嘆即發願言未來當有釋迦如來興出於世以大方便示法滅時我當於中出家修道受持淨戒具大勢力見有破戒行惡比丘我當驅擯至於邊方無佛法處為正法故不惜身命今時大臣復作是願釋迦如來以大方便現涅槃已我當於中作大國王護持如來無上正法見惡比丘唱令驅出有持法者恭敬供養是時夫人復作是願釋迦如來出現之時令我勢力能伏邪見時摩訶男復作是願使我今時為彼如來作大弟子得大神通於佛功德能師子吼天女如是四人今於我世為法重任不但今日方於未來復當護持我之正法是時天女即白佛言我今未知如是四人斯為是誰惟願如來說其名字佛言善哉天女至心

大雲經第四卷 第十七章 大

諦聽諦聽吾當為汝分別解說今時大目即今善德婆羅門是婆羅門於我滅後百二十年王閻浮提字阿叔迦住於波梨弗羅城中姓无邪氏得轉輪王所有福德二分之一於閻浮提得大自在護持正法大師子吼為法流布大得舍利供養恭敬尊重讚嘆見惡比丘治令修善天女復言惟願解說今時佛告天女且待須臾我今先當說汝因緣是時天女聞是說已即生慚愧但頭伏地佛即讚言善哉善哉夫慚愧者是衆生善法衣服天女時王夫人即汝身是汝於彼佛暫得一聞大涅槃經以是因緣今得天身值我出世復聞深義捨是天形即以女身當王國土得轉輪王所統領處四分之一得大自在受持五戒作優婆塞教化所屬城邑聚落男子女人大小受持五戒守護正法摧伏外道諸邪異見汝於今時實是菩薩為化衆生現受女身是時王者即今一切衆生樂見梨車子深達正法甚深之義能開如來微密法

藏護持佛法無所虧損時摩訶男者即今大雲密藏菩薩是得我真身三分之二知恩報恩護持正法能答深義無所滯尋天女我今此衆雖有上智大迦葉等不能宣辯甚深之義如大雲密藏菩薩摩訶薩也

今時衆中有一天子字曰奇才與千天子即起向佛以諸華香幡蓋伎樂供養於佛合掌恭敬以偈讚佛大澤可度量須弥可稱知如來法境界難可得思議

說是法時無數千人發阿耨多羅三藐三菩提心

今時如來告善德言善哉善哉大婆羅門汝今善發歡喜之心得無上果大婆羅門從是南去度三十万恒河沙等世界彼有世界名須弥卽有佛世尊号淨光秘密如來應正遍知明行足善逝世間解無上士調御丈夫天人師佛世尊常住在世為化衆生轉正法輪從彼南去復度五十万恒河沙等世界彼有世界名法喜實佛号法藏如來應正遍知明行足善逝

◎大方等無想經

世間解無上士調御丈夫天人師佛世尊常住在世為化衆生轉正法輪從彼南去復過六十万恒河沙世界彼有世界名一切池佛号師子吼神足王如來應正遍知明行足善逝世間解無上士調御丈夫天人師佛世尊常住在世為化衆生轉正法輪從彼南去復過三十六万恒河沙等世界彼有世界名曰華幡佛号高須弥十号具足乃至轉正法輪從彼南去復過八十万恒河沙等世界彼有世界名曰寶手佛号法護十号具足乃至轉正法輪大婆羅門如是諸佛世界嚴淨其土無有山陵埵埤石沙嶽惡其地柔軟如迦陵伽衣世無五濁亦無女身二乘之人乃至無有二乘之名女人名字純諸菩薩摩訶薩等甘樂大乘護持大乘樂說大乘大婆羅門若有善男子善女人受持如是諸佛名号隨三惡道者無有是處必定當得阿耨多羅三藐三菩提大婆羅門以是義故我涅槃後是經當於南方國土廣行流布正法欲滅餘四

十年當至北方北方有王名曰安樂見有受持書寫經卷讀誦說者隨時給施四事無乏今時北方當有八万四千衆生受持是經卷善男子若有人聞如是經已捨放遠離無有是處若有善男子善女人頂戴受持諸佛名号若中兵毒水火盜賊無有是處除其宿業復次大婆羅門若內四部若外衆生為供養故為怖畏故為壞法故奉持如是諸佛名号終不墮於三惡道中若至三惡無有是處

今時善德復作是言世尊若有衆生聞是經名尚得如是無量善利況有受持讀誦書寫解說之者若得聞彼諸佛名号則為已得無上大寶阿耨多羅三藐三菩提已在其手諸佛如來已到其舍其地金剛其身亦心堅不動不可移轉世尊我今亦當恭敬供養如是之人佛言善哉善哉大婆羅門汝今善知善解如來功德之力若有衆生聞彼佛名敬信不疑無諸怖畏所謂王怖人怖鬼怖無諸疾病常為諸佛學道弟子八部鬼神及

◇高麗大藏經◇

大藏經第四卷 第二十一卷 大

其眷屬之所守護諸佛所念

今時衆中有執閻婆王名曰喜見從座而起往至佛所合掌恭敬白佛言世尊如來滅後何等衆生能受持是經廣令流布何等衆生不能受持令法毀滅今時如來默然不答時大迦葉語喜見言善男子如來真實無有涅槃法無滅盡云何而言如來滅後誰受是經喜見王言大德一切衆生狂愚無智惟願大德宣說如來所以不滅一切衆生癡闇所覆願燃法燈令得開明我於未來亦當廣為一切衆生開發是義惟願大德哀愍故說大迦葉言善男子如來法身不名肉身佛身金剛非破壞身成就具足無量功德方便之身不名食身如是之身云何言滅喜見王言大德我今定知如來世尊方便涅槃非畢竟滅今時迦葉讚喜見言善哉善哉實如所說善男子大海可量如來功德不可稱知喜見王言如來何時當畢竟滅大迦葉言假使一切所有衆生乃至蚊蟻悉得阿耨多羅三藐三菩提入

大藏經第四卷 第二十一卷 大

於涅槃如來今時乃當涅槃喜見王言大德如來成就如是無量無邊功德一切衆生何故不發阿耨多羅三藐三菩提心苦哉苦哉衆生薄福不知如來常住不變金剛之身非雜食身大德如是之身惟佛能知非諸聲聞緣覺所及

迦葉復言善男子一切衆生悉有佛性得菩提心說是法時一万二千年子發阿耨多羅三藐三菩提心異口同音而說偈言

如來不涅槃 真法無有滅 為諸衆生故 亦現有滅度 如來常不滅 為衆方便說 如來不思議 法僧亦復然 大方等無想經卷第四

癸卯歲高麗國大藏都監奉勅彫造

大方等無想經卷第五

大

北涼天竺三藏曇無讖譯

大雲初分增長健度第三十一之一

今時南方有諸天子其數無量從黑山中來至佛所以諸香華幡蓋伎樂供養於佛頭面作禮右遶三匝白佛言世尊如來今日說是經典南方世界無量无边恒河沙等諸佛世尊亦說是經世尊如是經典名字何等善男子如是經典凡有三名一名大雲二名大般涅槃三名無想大雲密藏菩薩所問故名大雲如來常住無有畢竟入涅槃者一切衆生悉有佛性故得名為大般涅槃受持讀誦如是經典斷一切想故名無想善男子有人親近無量恒河沙諸佛世尊於諸佛所受持淨戒供養恭敬尊重讚嘆成大功德然後乃得聞是經典雖得聞受不能廣說若於不可計不可數恒河沙等諸佛世尊受持淨戒乃至成大功德聞已則能分別廣說善男子正法欲滅是經當於閻浮提中具

足流布佛溫縣後初四十年亦當流布正法垂滅餘四十年復當流布行惡之時謗方等時惡王治時我諸弟子毀禁戒時遭值荒亂世人輕時四部弟子不脩身不脩戒不修心不修慧無明狂癡習放逸時凡所造作同畜生時不隨和上師長教時違反上座耆宿長老當余之時我諸弟子於是經中不能信受輕笑譏呵不相許漢士何邪見說為方等剃頭之人名為沙門士何反讀邪見經書實非佛語為利養故說為佛語公於眾中唱如是言如此經者真是邪見非佛所說慎勿讀誦書寫受持今時大眾即共答言大德莫作是語此經相義實是佛說我今為經當相供給我此弟子為供養故素無信心受持誦說是名滅法復次天子未來之世法欲滅時我四部眾薄福少智不知厭足退失善根貪於法財無心親近佛法僧寶為衣食故剃頭塗衣其心麤獷如充居士畜養奴婢金銀珠寶錢財珂貝琉璃頗梨貯聚穀米牛馬畜生田

宅屋舍雜色卧具食肉嗜味背捨諸佛成就十六不善律儀親近國王大臣長者受使隣國通致信命受人供養反生惡心成就一切非沙門法非婆羅門法天子如是惡世惡比丘時余時我當有一弟子持戒清淨少欲知足如大迦葉善能教化閻浮提內我弟子中習行惡者說真正語不惜身命廣開如來深密秘藏讚嘆持戒行頭陀者成就具足波羅提木叉稱美知足真掃衣服廣為惡人說如是言諸大德世尊不聽受畜一切不淨之物食味食肉如來常讚持淨戒者呵責毀禁大德汝今若不受我語者我有大力勢能相降伏我此弟子福德力故咸令一切信伏無違何以故是人已曾親近無量諸佛世尊廣修慈悲貪樂大乘護正法故余時常有五萬八千諸善鬼神隨從侍衛為欲守護佛法故天子復言世尊我等未來亦當護是持法比丘佛言善哉善哉天子如汝所說法欲滅時當勤守護天子當余之時我亦

能以威神道力摧伏惡魔治惡比丘余時十方無量諸佛亦同讚嘆我此弟子余時一切南方天子復以華香供養世尊白佛言世尊如是弟子何時當出在何國土名字何等佛言善男子我涅槃後千二百年南天竺地有大國王名娑多婆呵那法垂欲滅餘四十年是人余時當於中出講宣大乘方等經典於眾起垂滅之法廣令是經流布於世教人具足執持讀誦書寫解說聽受其義余時若有不能如是受持解說是經典者當知是人非我弟子魔之眷屬余時樂見耆闍婆王白佛言世尊唯願矜哀解說未來持法弟子如迦葉者成就大慈具足淨戒種姓眷屬無可譏呵佛言善男子諦聽諦聽當為汝說我此弟子守護正法持佛種姓一切眾生所樂見者善男子是南天竺有小國土名須賴吒其土有河名善方便其河有村名曰華勝華勝村中有婆羅門產一童子即是今之一切眾生樂見梨車後時復名眾生樂見是大菩

薩大香象王常為一切恭敬供養尊重讚嘆其年二十出家修道多有徒眾修持淨戒稱誅諸佛大乘經典為護正法不惜身命其諸弟子亦復如是若有比丘比丘尼優婆塞優婆夷聞是比丘所說正法必定當得阿耨多羅三藐三菩提提介時國王大臣長者及一切人為此經故供養恭敬是持法者是經力故令彼國王得大勢力所有國土無能侵陵我此弟子魔不得便

介時若有受持讀誦書寫是經則得名為大菩薩也名為福田在淨僧數軋闍婆王當於介時我諸弟子多有信受如是經典得解脫者亦復不少善男子若有人能成就四事則能受持如是經典一者得聞深進大海水潮三昧二者得聞南方佛名三者親近於善知識四者至心信佛法僧介時若有不能信受是經典者是魔眷屬若有信者是佛弟子善男子未來之世有信心者名為親近諸佛世尊何以故如是經典諸佛封印所謂印

者一切眾生悉有佛性如來常住無有變易善男子若有人能信是經者當知是人真佛弟子有能恭敬是持法者是人當為未來諸佛徒眾眷屬何以故無量諸佛已於是人生已有心故所以者何是持法比丘不可思議已於過去同然燈佛發大誓願未來之世釋迦如來法垂欲滅我當於中出家修道為護正法不惜身命時王精進龍王者即今樂見梨車是樂見梨車即是未來護法比丘善男子汝善觀察我此弟子未來功德若有人能恭敬供養我此弟子當知是人即為十方三世諸佛之所恭敬若未來世比丘比丘尼優婆塞優婆夷信受如是持法比丘所可演說即是信受十方諸佛所有言說若有比丘比丘尼優婆塞優婆夷受敬如是持法比丘不惜身命即為十方三世諸佛之所愛念增長壽命若未來世比丘比丘尼優婆塞優婆夷恭敬供養是持法者專心繫念聽其所說不求其短當為十方三世諸佛之所推覓護

念守持如羅睺羅護念禁戒善男子未來之世薄福眾生比丘比丘尼優婆塞優婆夷當作是言咄哉咄哉如是眾生樂見比丘實非比丘作比丘像遠離諸佛所說經典自說所造名大雲經遠離諸佛所制禁戒自為眾生更制禁戒諸大德各各諦聽若言貯畜金銀珍寶名為破戒不貯蓄者名為持戒如來何處當作此說此非佛語說為佛語我當云何不惜身命恭敬供養如是惡人宣說惡語以為佛語唱說惡戒以為佛戒諸大德我實不能信受如是惡比丘言若有供養如是人者唐捐其功終無果報介時諸人聞是語已所有信心各各壞滅若有信受是惡語者當知是人從閻入閻若不信受是人則得從明入明善男子若有隨順是惡語者是魔眷屬若不隨順真我弟子善男子是大雲經其義幽隱難可解了若未來世有四部眾福德純厚得菩提心勤修行者作如是言善哉比丘真佛弟子善住大地是大菩薩勇猛大士非

下人也下劣之人不能如是迴轉大海諸大德汝等可來當共供養如是比丘諸大德我今見是持法比丘即是過世無量功德之果報也隨是比丘所住之處當知其地及其衆生功德成滿安樂無患若得觀見是比丘者當知是人已得天眼法眼具足我為是人不惜身命若聞其言寧捨身命終不忘失我今寧為如是一人不惜身命終不能為非法徒黨百千万人捨於身命善男子如是惡法興出之時我此弟子當於是中護持我法善男子未來之世法欲滅時若有比丘比丘尼優婆塞優婆夷為護法故不惜身命是則名為熾然慧燈度脫衆生修行一切諸佛所行得法翅羽破魔境界身得自在心得自在身不可思議為諸衆生之所愛敬善男子法欲滅時是持法者一日一夜六時唱令告諸衆生汝等當共受持正法諸惡比丘聞是語已心不甘樂不甘樂故便作是言大德如是邪法誰當信受嘿然者善若不嘿然當奪汝命是

持法者復作是言我寧捨身命終不嘿然諸惡比丘尋共害是持法比丘善男子如是人者是我最後持法弟子當知今時我法則滅若言今時我弟子中更有如是護持法者無有是處乳闍婆王言是持法者捨身已更得何身佛言善男子捨身已當得佛身無邊之身乳闍婆王言唯願世尊為諸衆生說是比丘云何捨身而得佛身佛言善男子善哉善哉聽我說此持法弟子功德之事過此賢劫千佛滅後具滿六万二千劫中空過無佛今時當有無量億那由他諸辟支佛在世教化過是劫已有七佛出是七如來般涅槃已此國今時轉名喜光是喜光國當有佛出号智聚光如來應供正遍知明行足善逝世間解無上士調御丈夫天人師佛世尊是佛世界所有人民類類端正信心成就若有人能於我法中沒命護持忠當生於彼佛世界而為彼佛作大弟子大弟子者即是等菩薩摩訶薩也真大丈夫大智者彼界人

民一切無有貪欲意癡皆悉成就清淨信心智聚光佛壽十五中劫為諸弟子開三乘教雖開三乘多說菩薩一乘之行今時雖有魔王魔子悉發阿耨多羅三藐三菩提心一切衆生悉得大慈大悲之心皆得遠離三惡道苦無有八難世界常淨猶如北方寶草越上天魔波旬不得其便永斷邪見彼佛如來入涅槃已法住千億然後滅盡說是語時一切大衆諸天龍神乳闍婆阿修羅迦樓羅緊那羅摩睺羅伽持諸華香微妙伎樂供養於佛大迦葉等諸大弟子歡喜讚嘆恭敬作禮諸大菩薩復持妙華大如須弥供養於佛悉共發願願我未來生彼佛世今時大雲密藏菩薩白佛言世尊唯願如來為未來世壽福德衆生演說如是深進大海水潮三昧佛言善男子汝今不應作如是言何以故佛出世難此大雲經聞者亦難若有書寫受持讀誦一句一字亦復難得云何偏為未來之人吾當普為三世衆生

大智度論卷第十大

廣開分別善男子我以未來薄福衆生罪根深重是故唱言此經當於未來流布善男子未來之世若能於此大雲經中信心不疑讀誦一偈如是之人甚為難得世尊如來何故作如是言善男子我不獨為未來說何故而生如是疑心若有能聽如來所說一偈一句不生疑心於三世中亦復難得何以故三世衆生難得三昧陀羅尼門知恩報恩未來衆生不知恩分不能報恩不知恩故信心難得信難得故是我言為未來世說此經典若能讀誦受持是經一偈一句是人難得未來衆生薄福罪重是故復言為未來世說此經典大雲密藏菩薩言世尊若有菩薩安住如是深進大海水潮三昧成就無量無邊功德非是聲聞緣覺所知佛言善哉善哉善男子住是三昧諸菩薩等深不可測譬如大海衆流所歸不可量數善男子如是大海猶可量數而諸菩薩不可量數何以故安住如是深三昧故

大智度論卷第十大

復次善男子若有菩薩住是三昧能以足指一毛舉此恒河沙等三千大千諸大世界高至上方便無量世界令諸衆生無有怖畏往反之想而令他方一切悉見為化度故乃至十方亦復如是世尊如是三昧乃為無量無邊功德之所成就故佛說普為三世善男子善哉善哉實如所言善男子譬如大海搖攝一切諸河泉流此大雲經亦復如是搖攝一切無量經典復次善男子若諸經典有如是等無著三昧當知彼經已為攝在此經典中一切聲聞辟支佛等所得三昧比此三昧不可為喻何以故聲聞緣覺無常無我無樂無淨無著三昧廣闊如來常樂我淨無有變易是故此二不得相喻善男子若聞如來常不變易信心清淨當知是人得阿耨多羅三藐三菩提心修菩提道善男子若男若女欲得常住無有變易應當受持讀誦書寫演說是經若能如是受持演說是經典者當知是不久當得阿耨多羅三藐三菩提若有人聞

大智度論卷第十大

如來常住無有變易心生疑怖當知是人不可見如來真實之相真實相者所謂如來常恒不變湛然安住是故聞者不應疑怖應當受持廣為人說如是說者當知佛法常住無滅善男子如一切衆生跡入象跡中一切三昧亦復如是入此經中善男子如閻浮提一切山河葉林樹木及四天下山河樹木日月星宿悉皆入於三千大千世界之中一切凡夫聲聞緣覺諸佛菩薩所有功德禪定三昧亦復如是皆悉入此大雲經中若有衆生能於一念念諸如來常住不變當知即得阿耨多羅三藐三菩提善男子譬如秋月無諸雲霧虛空清淨日初出時光明端嚴人所愛樂除破一切幽闇黑冥是大雲經亦復如是演出如來常恒不變猛盛之日處在清淨密語虛空破除衆生無常無我無樂無淨一切闇障端嚴愛樂者喻於如來終不畢竟入於涅槃復次善男子譬如有人身輕行疾喻四風王壽命滿足天數千年飛行周

遊十方世界遍已還到本所住處如是行處滿中七寶并以已身供養三寶復滿無數千年之中善男子如是福德可數量不不也世尊善男子如是福德不比有人一念之中念如來常法僧不滅善男子若復有人為利養故為恐怖故為親近故演說如來常恒不變一字一句所得福德比前功德百分不及一分千分百千萬分乃至算數譬喻所不能及善男子譬如華樹若有衆生取枝取莖取葉取華取果取皮是樹亦不生念取枝取莖取葉取果取華取葉取莖取華取葉取果取果取果莫取皮而令一切衆病除愈隨上中下衆生所用若以合水若以合蘇若末若丸若塗若服若能愈病是大雲經亦復如是不觀衆生若舉一偈若半偈一名一義一句半句信受二字言如來常亦不觀察衆生有修深進大海水潮三昧大慈大悲及不修行志能令斷三惡道病如來亦不觀察衆生取一偈不取半偈取半偈不取名取名不取義取義不取句取

句不取半句取半句乃至二字皆能令四部之衆離三惡道善男子未來之人不修身不修戒不修心不修慧輕笑賤慢為求過失及以利養少多讀誦書寫聽受亦得遠離無量惡業永斷貪欲患癡等病善男子如日出時能消冰雪是大雲經亦復如是說如來常能消一切無常冰雪復次善男子譬如虛空猛風起時吹衆生身入諸毛孔能令熱病一切除愈身得清涼虛空者喻大雲經猛風起者喻如來常風入毛孔者喻諸衆生患有佛性除熱病者喻斷聲聞辟支佛心復次善男子若有人能讀誦受持如是經典終不為須陀洹果護持禁戒終不為向斯陀含得斯陀含向阿那含得阿那含向阿羅漢得阿羅漢護持禁戒若為向佛取無上果是則名為真持禁戒非為三十二相八十種好護持禁戒若為如來不可思議三昧亦復不為住心修集無量因等亦復不為住心修集無量因果不為

住心修集諸佛無量功德如來住於無所住者是為實相若欺如來無上印者不名護戒若言如來為是印故名護戒者汝於此中慎勿生疑如來無相故名為護戒若言如來為相故名護戒者亦勿生疑如來無種好故名為護戒若言如來為種好故名持戒者亦勿生疑如來非神通因緣故名為護戒如來非密藏故名為護戒如來非無上福田故名為護戒如來非為如來藏故名為護戒如來為斷一切衆生老病死苦逼切名為護戒為欲安樂諸衆生故名為護戒為斷衆生生死縛故名為護戒為今衆生專向無上菩提道故名為護戒為諸衆生得阿耨多羅三藐三菩提故名為護戒欲為衆生轉法輪故名為護戒為令衆生一切皆得聖僧名故名為護戒為令衆生不斷如來聖種姓故名為護戒為令衆生一切不斷法僧種故名為護戒為令衆生一切悉得三昧禪定智慧解脫故名為護戒為令衆生悉得淨戒具足無

大雲經第五卷 第十卷大

缺故名為護戒如來無戒故名護戒
斷一切戒故名護戒如來非有此戒
故名護戒非無此戒故名護戒

今時大雲密藏菩薩摩訶薩白佛言
世尊若言如來不護戒者其義云何
若復有言菩薩住是深進大海水潮
三昧不護戒者其義云何如來非為
無上印故名護戒者義復云何佛言善
男子菩薩摩訶薩自從住是三昧已
來初不曾住有為法中具足成就一
切佛法何以故如三昧已攝取
一切佛法故善男子如大寶聚有青
琉璃其色清淨人見之者不生疑心
菩薩摩訶薩從得住是三昧已來即
見佛性了了無疑何以故見了了故
若有疑者無有是處如來境界不可
思議善男子菩薩住是三昧已成就
具足諸佛功德世尊菩薩摩訶薩住
是三昧得畢竟不著善男子汝不應言
如是菩薩得畢竟不何以故若一切
衆生得是三昧悉成阿耨多羅三藐
三菩提盡畢竟已然後乃當問是菩
薩得畢竟不世尊如是三昧甚為希

十一卷第三卷 第六卷大

有若諸衆生不得聞受甚可憐愍若
得聞者當知是人得大饒益佛言善
哉善哉若有聞是三昧名者當知是
人入中之上譬如族姓端正王子威
猛勇健心無慳慳持戒清淨無可識
訶人所樂見眷屬敬念統領國土人
民歸順菩薩摩訶薩住是三昧亦復
如是皆悉成就諸佛功德善男子如
旃陀羅終不作王若作王者無有是
處何以故諸上族等所生笑故若有
衆生不能受持讀誦書寫如是三昧
欲得成就諸佛所有微妙功德亦無
是處何以故當為一切諸菩薩等所
嗤笑故善男子汝今觀是安住三昧
諸菩薩等能知如來常恒不變若有
不能住是三昧則不能知如來常恒
無有變易菩薩摩訶薩為衆生故受
持讀誦如是三昧則得具足檀波羅
蜜何以故如是菩薩見有求索頭目
髓腦支節手足國城妻子奴婢僕從
象馬七珍則能隨彼種種給施尚以
身施況復外寶施時歡喜施已無悔
於阿耨多羅三藐三菩提若不得

大雲經第五卷 第十九卷大

心無疑慮終不為報而行布施若言
為報行布施者無有是處不為貪故
而行布施為憐愍故而行惠施為如
來常故為護法故為欲具足檀波羅
蜜演說如來常恒不變故行惠施
復次善男子菩薩摩訶薩住是三昧
已則能少知一切衆生患有佛性如
來常恒無有變易住是三昧菩薩摩
訶薩常作是觀我今此身空無所有
已得無上大利益事我今以此支節
手足頭目髓腦肌肉皮肉布施於人
未來當得阿耨多羅三藐三菩提世
尊菩薩摩訶薩住是三昧云何而作
如是觀身善男子是菩薩摩訶薩不
見是身去來坐卧猶如空瓶是故菩
薩觀身空寂血肉骨髓名為空身住
是三昧諸菩薩等得非血肉骨髓之
身成就法身不名食身世尊如來法
身不名食身其義云何法身無像不
可觀見云何而得教化衆生如來常
於諸經中說如鳥飛空無有足跡如
來法身亦復如是無有去來無轉無
說不可破壞

大方等無想經卷第五

癸卯歲高麗國大藏都監奉
勅彫造

大方等無想經卷第六

北凉天竺三藏三藏法師

大雲初分增長健度第三十七之餘

佛言善男子勿作是語如來常所化衆生身是名化身世尊其義云何世尊如佛所說住是三昧則得法身云何復言是變化身如來法身若爲教化作雜食身云何此身非虛妄耶真法身者云何復作雜食之身若作食身是義不然佛言止止勿作是語住是三昧菩薩摩訶薩若有化身是名幻身世尊何故顛倒以此非身而名爲身無物者名之爲幻若是幻身云何而得不誑衆生佛言善男子莫作是觀住是三昧菩薩摩訶薩無有住身雖無住身如藥樹王如草木瓦礫我身亦尔何以故我身無我無有我無命無語無心無實無陰界入猶如藥樹能除衆生一切病苦我身亦尔除滅衆生無量病苦何以故身如幻故復次善男子譬如藥樹終不念取葉莫取枝菩薩摩訶薩亦復如

大雲經卷第六

說

是終不念取手莫取足何以故是三昧力故亦能除斷一切衆生貪欲瞋恚愚癡等病住是三昧菩薩摩訶薩無內身無外身無內外身無死生身得甘露身甘露身故能斷衆生貪欲瞋恚愚癡等病復次善男子住是三昧菩薩摩訶薩作變化身為斷一切諸惡鳥獸及三惡道猶如藥樹若有人言諸惡鳥獸遇菩薩身到三惡道無有是處若言捨身轉至人天見諸佛者斯有是處復次善男子若言四衆住是三昧則得親近無量諸佛亦有是處

復次善男子比丘比丘尼優婆塞優婆夷若欲修習是三昧者先當思惟如來常恒無有變易佛法不滅無有畢竟入涅槃者復作是念一切衆生種種所須我當給施若胸若手若頭若目爲正法故念捨所有捨時歡樂捨已無悔何以故我此身者猶如藥樹若能作是一念思惟當知不久得是三昧復次善男子譬如駿馬尾尾纖長於十五日布薩之時在大海中

悲鳴三唱大雲經卷第六 第三誰欲度海誰欲度海地若有

諸人乘其背者及捉髭尾頭項首脚
悉得到於大海彼岸是大雲經亦復
如是若有人能受持讀誦解說書寫
乃至一句一字二字一切皆度三惡

彼岸永得解脫復次善男子比丘比
丘尼優婆塞優婆夷若有得聞是三
昧名生生常得轉輪聖王帝釋梵王
終無退轉常得親近佛法聖眾於菩
提心堅固不動不捨大乘方等經典

世尊云何菩薩摩訶薩住是三昧於
一切法所見真正佛言善男子若有
成就是三昧者見於如來無常無樂
無我無淨畢竟涅槃則不得名所見

真正若見如來常樂我淨終不畢竟
入於涅槃如是乃名所見真正世尊
如佛所說若見如來常樂我淨其義
云何善男子常樂我淨即是如來真

實之性世尊若如是者一切凡夫亦
得成就如是實性何以故凡夫之入
亦復計於常樂我淨善男子汝今不
應作如是說我言具是三昧菩薩乃能
見於常樂我淨不說凡夫所計顛倒

常樂我淨大雲經卷第六 第四世尊如佛所說若見諸法

無常無樂無我無淨是人則見上道
下道得須陀洹果乃至得阿耨多羅
三藐三菩提若見諸法常樂我淨則
不能得須陀洹果乃至阿耨多羅三

藐三菩提云何世尊言菩薩成就是
三昧已則得見於常樂我淨又如佛
言真解脫者猶如虛空如是解脫即
是涅槃云何如來說言涅槃常樂我

淨一切衆生亦如虛空水月夢幻芭
蕉雲電空無性相不得變住猶如畫
水隨畫隨合見覺無常無樂無我無
淨見如是相則名真見真見者得須

陀洹果乃至阿耨多羅三藐三菩提
云何如來說言菩薩成就是三昧乃
得見於常樂我淨如佛先說諸佛如

來觀一切法無常無樂無我無淨無
有壽命士夫衆生空無所有是名諸
法真實之性今者復言見一切法常
樂我淨是義云何善男子止止莫作

是言善男子若有菩薩成就具足是
三昧已則不復與諸法和合不和合
故得名護戒修習三昧菩薩摩訶薩

不見諸法大雲經卷第六 第五斷常之相不見斷故不生

喜悅不見常故不生憂感為知法印
不為護戒亦不得名修習三昧如來
不著護戒毀戒常無常覺不覺作不

作淨不淨空不空戒非戒知非知名
非名取非取怖非怖畏非畏因非因
滅非滅菩提非菩提解脫非解脫涅

槃非涅槃一切諸法無有怖畏為解
脫故護持禁戒修習三昧一切諸法
無有退滅菩薩知已其心甘樂修是

三昧為諸衆生說佛如來常恒不變
正法不滅是故護戒修習三昧復次
善男子若有欲得如是三昧應當修

習常想我想念想人想習此想已則
得成就具是三昧若言不得無有
是處

世尊如來或說無常無樂無我無淨
或時復說常樂我淨其義云何善男
子世俗之道課見諸法常樂我淨是
故我說無常無我無樂無淨世尊出

世之法頗復得有常樂我淨不善男
子若有菩薩住是三昧欲說我時先
說五事何等為五一者般若二者樹

子三者肥味四者伏藏五者地悅善
男子如穀子者芽時莖時葉時華時名
為無常若收果實衆生受用則名為
常若菩薩摩訶薩若未成就是三昧者
無常無我無樂無淨若已成就則得
名為常樂我淨未能度脫一切衆生
名為無常無我無樂無淨若能度脫則
得名為常樂我淨不能破壞一切邪見
名為無常無樂無我無淨若能破壞則
得名為常樂我淨不能永斷諸煩惱
故名無常無樂無我無淨若能永斷
是則名為常樂我淨善男子是名穀
子復次善男子如荖羅樹未得果時
名為無常無樂無我無淨若得果實衆
生受用是則名為常樂我淨菩薩摩
訶薩未得成就是三昧者名為無常
無樂無淨若成就已則得名為常樂
我淨未能度脫諸衆生故名無常無
樂無我無淨若能度脫則得名為常
樂我淨不能破壞一切邪見名為無
常無我無淨若能破壞則得名為
常樂我淨不能永斷諸煩惱故名無
常無樂無我無淨若能永斷則得名
為常樂我淨若不能永斷則得名

為常樂我淨善男子是名樹子復次
善男子如胡麻子未成油時不能消
除衆生病苦名為無常無樂無我無淨
若成油已能除衆生所有病苦是故
得名為常樂我淨菩薩摩訶薩未得成
就是三昧者名為無常無樂無我無淨若
成就已則得名為常樂我淨未能度
脫諸衆生故名無常無樂無我無淨
若能度脫則得名為常樂我淨不能
破壞一切邪見名為無常無樂無我無
淨若能破壞是則名為常樂我淨不
能永斷諸煩惱故名無常無樂無我
無淨若能永斷是則名為常樂我淨
善男子是名肥味復次善男子如有
寶藏隱伏地中不能潤益一切衆生
故名無常無樂無我無淨若出地已
衆生受用為大利益是則名為常樂
我淨菩薩摩訶薩若未成就是三昧
者名為無常無樂無我無淨若成就已
則得名為常樂我淨未能度脫諸衆
生故名無常無樂無我無淨若能度
脫則得名為常樂我淨若不能壞一
切邪見名為無常無樂無我無淨若能

破壞是則名為常樂我淨不能永斷
諸煩惱故名無常無我無樂無淨若
能永斷則得名為常樂我淨善男子
是名寶藏復次善男子如地脫皮未
脫皮時名為無常無樂無我無淨若脫
皮已則得名為常樂我淨菩薩摩訶
薩未得成就是三昧者名為無常無
樂無我無淨若能成就已則得名為
常樂我淨未能度脫一切衆生名為
無常無我無淨若能度脫則得名為
常樂我淨不能永斷諸煩惱故名無
常無樂無我無淨若能永斷則得名
為常樂我淨又斷衆生於佛所起四
種疑心常樂我淨善男子是名地悅
善男子菩薩摩訶薩住是三昧以
此五事演說如來常樂我淨能說我
人壽命衆生士夫能如是見名為正見
世尊如來所說如是五事是義不然
何以故如來常於諸經中說諸法無
常如向五事因亦無常果亦無常若
使菩薩住是三昧如五事者亦應無

大藏經第六卷 第九法

常以是義故一切諸法無非無常世尊有因必有果有果必有因一切衆生及諸菩薩亦復如是有生必有死有死必有生若如是者常亦無常無常亦常以是義故一切諸法志有二性常與無常不應定言世法無常出世法常如來實語云何出是虛妄之言善男子汝今何故如登自暴善男子若有人言端正之人猶如滿月香象殊白猶如雪山入實非月象非雪山少有相似故引為喻善男子世間五事亦復如是有少常故故以為喻諸佛如來實不可喻猶引喻為喻世尊若如來常者何故復於餘經中說猶如燈滅解脫亦亦世尊如來若常云何得滅如其滅者云何言常如來若言亦常亦滅如是之言非虛妄耶又如佛言一切諸法猶如水月諸法若常云何復言猶如水月善男子我說有為如水中月是故我說餘法有常餘法無常若有衆生未得解脫未斷煩惱未斷名相未斷衆生相不得法相未得修習如是三昧是名無常

大藏經第六卷 第十法

若有衆生已得解脫永斷煩惱名相衆生相得於法相修習三昧是名為常是故我說餘法有常餘法無常世尊若今者如來何故說佛涅槃猶如燈滅如燈滅者為喻身滅為喻結滅如膏不離燈燈不離膏衆生亦不離身不離結不離身云何言滅佛言善哉善哉善男子若如是見名為正見善男子身有二種一者煩惱身二者法身煩惱身滅猶如燈滅是故我說餘法無常法身無滅猶如虛空是故我說餘法是常斷煩惱名相為解脫得解脫已無常身者諸佛世尊則是斷見若煩惱氣常不滅者諸佛世尊則是常見諸佛世尊定無有此斷常二見諸佛世尊已於無量阿僧祇劫斷此二見如來若有衆生相者則應無常如來已於無量劫中斷衆生相若言如來有衆生相無有是處善男子譬如大王出入遊巡若在外時內則不見內雖不見不得言無外亦如是菩薩摩訶薩住是三昧無常已斷為衆生故受無常身若言如來

大藏經第六卷 第十一法

身無常者無有是處是故我說常與無常說我無我說衆生非衆生說人非人說命非命說士夫非士夫如來常說有為之法皆是無常終不言常若言常者無有是處復次善男子菩薩摩訶薩住是三昧則得斷除世見命見聲聞緣覺見無有貪愛無取無求常不變易成就安住得無所畏無有憊慢始不能汗是故我說常樂我淨善男子我說聲聞辟支佛乘一切世人之所不解雖世人不解終不得言慧者亦亦世間之人雖見如來無常無樂無我無淨亦不得言有智慧者同於彼見薄福純根行邪道者作如是言如來無常永滅涅槃若言如來永滅度者當知是人不能離三惡善男子譬如深汪其水渾濁中有寶珠人所不見有人唱言此濁水中有大寶珠衆人間已覓共求覓或得瓦石沙礫草木然無有能得真實者以不得故便言虛妄復更有人善知方便以無價珠置之濁水水即為清衆人因是悉見真實善男

子聲聞緣覺不解如是三昧力故說言如來無常無樂無我無淨空無所有不知如來常恒不變輪轉生死菩薩摩訶薩住是三昧善解如來所有密語是故以此無價寶珠喻於三昧善男子若男若女欲見如來常恒不變應當修習如是三昧菩薩摩訶薩住是三昧則見如來常恒不變解脫亦令善男子譬如樹蔭行路之人因之憩息住是三昧諸菩薩等亦復如是為諸衆生而作蔭覆善男子若有人言如來無常永涅靜者是魔弟子若不如是真我弟子若言如來畢入涅靜當知是人汙辱我法若有信受如是語者甚可悲傷說是語時於會右面出大光明其光金色遍照三千大千世界悉蔽日月梵天之明惟不能障佛之光明其餘光明黯黯不現大小須弥草木叢林二國中間幽闇之處無不大明地獄衆生遇斯光已苦痛休息身得安樂今時一切大衆之前即時出生六萬億蓮華其華微妙色香具足千葉盛滿四寶為質一一

蓮華出微妙香遍滿三千大千世界其中所有天龍鬼神乾闥婆阿修羅迦樓羅緊那羅摩睺羅伽釋梵魔天沙門婆羅門一切衆生聞香氣已皆得受法心樂大乘樂欲聽法斷諸煩惱是華成就如是功德微妙之香令時大雲密藏菩薩摩訶薩在大會中見是神變即從座起合掌恭敬白佛言世尊是何相貌誰之德力是大衆中有是妙華出無量香於是淨光天女語大雲密藏菩薩言善男子一切諸法皆忘無相云何問言是何相貌諸法如夢何故顛倒如狂所問大雲密藏言善哉善哉天女我非不見諸法如夢為欲斷彼著相故問天女言大德何故見於著相而生此問天女是故我先言為衆生故欲令度脫是故而問大德若不自斷我見我疑云何而能度脫衆生若不自斷我見我疑欲為衆生除斷見疑無有是處佛言善哉善哉善男子實如天女之所宣說菩薩摩訶薩住是三昧惟見無相善男子若男若女欲見無相應當

精勤修是三昧菩薩摩訶薩住是三昧能於三千大千世界現種種身世尊云何菩薩住是三昧能於三千大千世界現種種身善男子若有幻師若幻弟子於大衆中能作種種若男若女若大若小若生若死若去若來若舍若林若象若馬若斷若折若破若壞若續若絕大衆見已不生驚怖何以故了知幻故菩薩摩訶薩亦復如是住是三昧修習正道於此三千大千世界化種種身為度衆生故住是三昧諸菩薩等見是化已不生驚怖無有疑心隨順於義無有違逆何以故定知即是三昧力故復次善男子菩薩摩訶薩住是三昧能於三千大千世界隨諸衆生種種而行處處現身或閻浮提現處母胎一切衆生實見菩薩處在母胎而是菩薩實不在胎或閻浮提現出母胎衆生亦見菩薩出胎而是菩薩實不出胎或閻浮提現初剎致造制調羅一切衆生皆見如是而於菩薩實無是相或閻浮提現諸學堂習諸伎藝

大寶經第一卷 第二十五

書疏算計一切衆生皆見菩薩始初習學而是菩薩已於過去無量劫中悉修學已或問淨提現行如人師子白執一切衆生皆見菩薩現行如人師子白執而是菩薩都無此相或問淨提示有妻子五欲相樂一切衆生皆見是相而是菩薩已於昔劫久遠離之惟以法樂而自娛樂或問淨提示大小便一切衆生亦見是相而此菩薩得真法身非雜食身云何而有大小便利咀嚙楊枝著衣洗手履踐草屣執持傘蓋身服纓絡飲食飢渴生老病死行檀波羅奎得轉輪王奴婢備從男女大小或作人天頭陀苦行現為比丘福利衆生現須陀洹果斯陀含果阿那含果阿羅漢果破壞衆僧聽法說法食取毒飯犯四重禁作五逆罪作聲聞像辟支佛像出家學道善提樹下轉正法輪現大神足入於涅槃或作釋梵天魔波旬流轉諸有猶如車輪亦復如是善男子菩薩摩訶薩雖作如是隨順世間種種諸行為欲度脫終不生於衆生之相常

大寶經第一卷 第二十六

修法相何以故是三昧力故菩薩摩訶薩無有著處不著聲聞不著緣覺為欲憐愍一切世間度衆生故在在處處隨其所樂而現其身是故菩薩修習無相見於無相若人能見如是無相是名正見淨光天女亦修無相諸佛世尊佳是三昧故不可思議世尊是淨光天女成就具足甚深智慧若無相境界不可思議其修習者亦不可思議今時世尊照怡微笑從其面門出無量光其光五色遍照無量無邊世界上至梵世一切周遍遶身三匝還從口入今時大地六種震動莊嚴清淨如薈草越三千大千世界亦復如是一切衆生佛神力故悉得親見今時大雲密蔽菩薩復從座起盡衣服合掌恭敬白佛言世尊何因緣故放是光明佛言善男子汝向所疑我今欲答是故放是瑞相光明善男子於此西方有一世界名曰安樂其土有佛號無量壽今現在世常為衆生講宣正法告一菩薩汝善男子娑婆世界釋迦牟尼佛為諸少福能

大寶經第一卷 第二十七

根衆生說大雲經汝可往彼至心聽受是彼菩薩欲來至此故先現瑞善男子汝觀彼土諸菩薩身滿足五十六千由旬世尊彼來菩薩字號何等復以何緣而來此土將非為度衆生故來惟願如來為諸衆生分別解說善男子彼土菩薩欲聞淨光授記別事并欲供養如是三昧是故而來善男子是菩薩名無邊光通達方便善能教導世尊惟願如來說是天女在何佛所發阿耨多羅三藐三菩提心何時當得轉此女身善男子汝今不應問轉女身是天女者常於無量阿僧祇劫為衆生故現受女身當知乃是方便之身非實女身云何當言何時當得轉此女身善男子菩薩摩訶薩住是三昧其身自在能作種種隨宜方便雖受女像心無貪著欲結不汙世尊惟願如來為諸衆生說是天女未來之事善男子汝今諦聽我當說之以方便故我涅槃已七百年後是南天竺有一小國名曰無明彼國有河名曰黑闍南岸有城名曰熱輟其城

有王名曰等乘其王夫人產育一女名曰增長其形端嚴人所愛敬護持禁戒精進不憊其王國土以此女故穀米豐熟快樂無極人民熾盛無有衰耗病苦憂惱恐怖禍難成就具足一切吉事隣比諸王咸來歸屬有為之法無常遷代其王未免忽然崩亡今時諸目即奉此女以繼王嗣女既承正威伏天下閭浮提中所有國土悉來奉奉無非違者女王自在摧伏邪見為欲供養佛舍利故遍閭浮提起七寶塔費持雜絲上妙幡蓋栴檀妙香周遍供養見有護法持淨戒者供養恭敬見有破戒毀正法者呵責毀辱令滅無餘具足修習十波羅蜜受持五戒極濟貧窮教導無量一切衆生說大雲經以調其心若聞大乘方等經者恭敬供養尊重讚嘆滿二十年受持讀誦書寫解說是大雲經然後壽盡是時乃當轉此女身為衆生故亦大神通為欲供養無量壽佛故故生彼界世尊是女王者未來當得阿耨多羅三藐三菩提不取善男

子如是女王未來之世過無量劫當得作佛號淨寶增長如來應正遍知明行足善逝世閒解無上士調御大夫人師佛世尊此娑婆世界今時轉名淨潔洵濯有城名曰清淨妙香其城純以七寶莊嚴最勝無上猶切利宮其城凡有九萬億人土地平正無有荆棘土沙礫石其土人民不生邪見愛重大乘無有聲聞緣覺之名一切純是菩薩大士修習慈悲喜捨之心成就忍辱壽命無量善男子若有衆生得聞彼佛如來名号不墮三惡轉生人天說是經已無量衆生得阿毗跋致

大方等無想經卷第六

癸卯歲高麗國大藏都監奉
勅開造